

997

998

999

613

U-35



ԿԵ ԱՆՔ

ՏԵՐ ՅԻՄՈՒՄԻ

ՀԱՏ

ՉՈՐԻՑ ԱԻԵՏԱՐԱՆԱՑ



ՏԱՄՆ ԵՒ ԵՕԹՆ ՊԱՏԿԵՐՆԵՐՈՎ.

ԳՐԵՑ

Գ. ՊԱՂ.ՏԱ.ՍԱՐԵՆԴ.



Կ. ՊՈԼԻՍ

ՏՊԱԳՐՈՒԹԻՒՆ. Յ. ՄԱՏԹԵԼՈՍԵԱՆ.

1896



ԿԵԱՆՔ

ՏԵՐ ՅԻՍՈՒՄ

ՀԱՅ

ԶՈՐԻՑ ԱԿԵՏԱՐԱՆԱՑ



ՏԱՄՆ ԵՒ ԵՕԹՆ ՊԱՏԿԵՐՆԵՐՈՎ

ԳՐԵՑ

Դ. ՊԱԴԱՍԱՌԱԽՈՎ



Կ. ՊՈԼԻՍ

ՏՊԱԳՐՈՒԹԻՒՆ Յ. ՄԱՏԹԻՈՍԵԱՆ

—
1896

16183

ՏՊԱՐԱՆ, ՎԻՄԱԴՐԱՏՈՒՆ, ԿԱԶՄԱՏՈՒՆ

ԵՒ ԹՂԹԱՎԱՃԱՌԱՆՈՑ

Յ. Մ Ա Տ Թ Է Ռ Ս Ե Ա Ն

27, Ֆինանսներլար Խօգութեան, Կ. Պալմա:

10031-57

معارف عمومیه نظارت جلیله سنك ۱۲ شوال ۳۱۲ و ۴۱ مارت
۳۱۲ تاریخی و ۷ نومرسولی رخصتامه سیله طبع او لمندر

Ա Ռ

ՆՈՐԻՆ ԲԱՐՁՐ ՄՐԲԱՋՆՈՒԹԻՒՆ

Ա.ՄԵՆՍ.ՊԱ.ՏԻ.

Տ, Տ, ՄԱՏԹԷՈՍ

Ա. ԱՐՔԵՊԻՍԿՈՊՈՍ ԻԶՄԻՐԼԵԱՆ

ՊԱՏՐԻԱՐք ՀԱՅՈՅ ՊՈՒՐՔԻՈՅ

Նույրէ խոնարհաբար

Գ. ՊԱ.ՏԱ.ՍԱ.ՐԵ.Ա.Ն

ՅԱՌԱՋԱԲԱՆ

Սիրուն մանկունք, այս գիրք ձեզի
Զարմանալիք պիտի խօսի.
Ասով ամբողջ Յիսուսին կեանք
Ո՛հ, ձեր մեղաց կ'ըլլայ փրկանք :

Ասոր մէջը պիտի սորվիք,
Անուշ Յիսուսն, սիրուն մանկունք,
Որ ձեր սիրուն համար թողուց
Փառքերն երկնից անհուն դանձուց :

Այս գիրքն է որ ձեզ կը խօսի
Մանկութենէն մեր Յիսուսի
Մեծ արարքներն՝ որ նա գործեց
Իր կեանքին մէջ սիրովը մեծ :

Մանուկ եղաւ, ձեզ պէս անխօս,
Ձեզ միշտ քաղցրիկ վիճակից հոս.
Բայց ո՛հ, չունէր ձեզի նըման
Քաղցրիկ, սիրուն մի որորան :

Մըսուրն էր իր հանգստարան,
իր ջերմութիւն շունչըն եղան,
Այլ այդ մըսուրն էր մի փարոս.
Մեծ փրկութեան այն երկնահոս :

Պատանի էր երբոր գընաց
Երուսաղէմ հետն իր ծնողաց .
Մըտաւ տաճարն , մեկնեց զրքեր՝
Եւ զարմացուց վարդապետներ :

Այս գրքին մէջ պիտի գտնէք
Բժշկութիւն հիւանդաց հէգ ,
Որք ճըմբւած ախտերու տակ
Կը բռւժուէին անկէ միակ :

Այլ հոգեկան մեծ բժիշկ մ'էր ,
Որ կը հանէր կատղած դեւեր
Հոգեկան այն հիւանդներէն
Որք հաւատով իրեն դիմեն :

Առակներ ալ նա խօսեցաւ
Որք իմաստնոց եղան մեծ ցաւ ,
Զի կը ստահէր նա յիմաստնոց
Եւ կը յայտնէր միշտ տղայոց :

Երեսուն եւ երեք տարի
Որդի մարդոյ խխատ քաջարի
Օրհնեց մանկոնք եւ չափահասք
Վերջն ալ կրրեց մեր մեղաց վարձք :

Անմենէն վերջ խաջ՛ , խաչը
Է՞ր իր բարեաց իրր մեծ վարձքը ,
Մանկոնք , ձեզի , ձեզի համար
Կըրեց ցաւեր բիւր , անհամար :

Արդ չէ՞ք ուզէր կեանքը զիտնալ
Յիսուսին որ ձեզ համար ալ

Թափեց անգին սուրբ իւր արիւն
Խաչափայտին վրայ երերուն :

Ասոնց ամէնն այս զիրք ձեզի
Ինչպէս ըսի , պիտի խօսի ,
Թախանձեցէք ծնողաց ձերին , —
«Կ'ուզէնք զիտնալ կեանքն Յիսուսին :

Թող ձեր հայրեր յօժարակամ
Ընտրեն այս զիրքն ձեզ բարեկամ ,
Սրտայօժար փոքրիկ նըւէր
Գիրքս փոխարէն ձեզ տայ գանձեր :

Պրուսա

Մ. Տէր ԵԶԵԿԻԷԼԵԱՆ



Մատաղ տունկեր, օր մը կուգայ,
Կ'ըլլան ծառեր յաղթ ու հսկայ,
Որոնց վրայ խճն թռչուններ
Կուգան դնել իրենց բոյներ:
Ճիշդ այսպէս ալ տղայք պզտիկ
Կ'ըլլան օր մը բարի մարդիկ,
Բարի գործքեր կը կատարեն
Թէպէտ այսօր շատ անզօր են:
Սյալէս Յիսուս էր մանուկ մի
Մառրին մէջ Բեթլէհէմի.
Այլ երբ մեծցաւ մարմնով չնորհքով,
Աշխարհ լեցուց բարի գործքով.
Անձը զոհեց փրկեց մարդիկ,
Որոնք էին գժողովի որդիք:
Նաեւ անոնց իբր օրինակ
Ընծայեց իւր տիպար սուրբ կեանք:
Ահա պատկերը այս կեանքին —
Օ՛հ, այս կեանքին վսեմ անդին,
Կը ներկայէ սոյն հատորիկ
Զեզի, տղայք սիրուն փոքրիկ:

Նմանցուցէք Անոր ձեր կեանք ,
 Անոր դէմքին՝ ձեր կերպարանք .
 Հոգւոյն վրայ գծեցէք ձերն ,
 Ու իր սրտին վրայ ձեր սրտերն .
 Գացէք ճամբան , ուր քալեց ինք ,
 Պիտի հասնիք մինչեւ երկինք :

Կ. Պողիս

Ա. Կ. ԹԵՏԻԿԵԱՆ



ԲԵՇ ՅԻՍՈՒՄԻ , ԵԿ ՅԻՍՈՒՄԻ

Վերի պատկերն ձեզ ցուցունէ
 Թէ Տէր Յիսուս մանկունքն օրինէ .
 Կ'օրինէ զանոնի երբ իրեն զան
 Զեռքն դնելով անոնց վրան :

Տե՛ս ; ի՞նչպէս զայնս գիրկն է առած
 Ծնգացն վըրայ նստեցուցած .
 Անոնց ծնողի ո՞րքան բերկրին
 Որ զայնս բերին Տէր Յիսուսին :

« Այդ տղայիներն » — ըստ — « բողէֆ » ,
 « Ինծի զալէն մի արգիլէֆ .
 Զի Երկինքի Արքայութեան
 Ասոնի պիտի արժանանան » :


Սյուօր նաեւ ամէն սըղայ
 « Կեանի Յիսուսին » որ կը կարդայ,
 Թող ջանի ընէ Յիսուսի գալ,
 Նոյն օրհնութեան արժանանալ :

Եւ դուք, Ծնո՞ղք, բերէ՛ք շուտով
 Ձեր զաւակունի Յիսուսի բով,
 Զայնս եւս օրհնելին երբոր տեսնաֆ,
 Դուք եւս պիտի ուրախանաֆ :

Եւ սառուցեալ երբ ձեռք մահուան
 Լուծէ կապերն ընտանեկան
 Յայնժամ հայր, մայր, որդիք կրկին
 Յիսուսի շուրջն կը հաւափուին :

« Ե'կ հայր, ե'կ մայր, եկէ՛ք որդիք »
 Հսէ Յիսուս ձայնիւ խաղցրիկ .
 « Վայելեցէք ի միասին
 Կեանի անվախնան, սուրբ, երկնային » :





ԿԵԱՆՔ ՏԵՐ ՅԻՍՈՒԽԻ

1. ԾՆՈՒՆԴ ՑՈՎՀԱՆՆԵՍ ՄԿՐՏՉԻ

ՊԱԲԲԻԵԼ հրեշտակ գայ առ Զաքարիա
 երբ նա խնկարկեր իբրև քահանայ
 Յանուն Աստուծոյ նմա աւետէ
 Տէրն իրեն Որդի պիտի պարգեւէ .
 Յովհաննէս պիտի ըլլայ իւր անուն ,
 Յնծութիւն պիտի ըլլայ շատերուն .
 Ծերն Զաքարիա և Եղիսաբէթ
 Վիճին Աստուծոյ հրեշտակին հետ ,
 Զի չեն յիշեր թէ Տէրը կարող է
 երկինք ու երկիր շինել յո՞նչէ :
 Յապացոյց խոստման սաոյդ կատարման
 Զաքարիա լինի համբ , մինչեւ ըլլան

Տէրոջ խոստացած սքանչելիքներ
Որոց նա հաւտալ իսկ չէր յօժարեր .
Անցան ամիսներ , ժամանակն հասաւ
Եւ Եղիսաբէթ զիւր որդին ծնաւ .
Սա իր թլփատման Յովհաննէս կոչուի ,



Համր Զաքարիայի լեզուն արձակուի ,
Սկսի օրհնել զանուն Աստուծոյ ,
Զորդին իւր կոչէ ծառայ Բարձրելոյ .
Պիտի պատրաստէ ճանապարհ Տեառն
Երբ գայ ազգաց յոյսն , հզօր Մեսիայն .



2. ԱԽԵՏՈՒՄՆ ԾՆՆԴԵԱՆ ՑԻՍՈՒՄԻ

Անդ ՚ի Նազարէթ տուն մի անշան
Բընակի մի Կոյս մաքուր իբր շուշան .
Մարիամ իւր անուն ի ցեղէն Յուդայ
Յովսէփի , այր արդար , Խօսեցեալ նորա .
Գաբրիէլ հրեշտակ , գայ յանուն Տեառն
Եւ տայ Մարեմայ ողջոյն ցնծութեան :
Ապա աւետէ ծնունդ Յիսուսին
Անկեալ մարդկութեան խոստացեալ Փրկչին .
Նա պիտի կոչուի Որդի Աստուծոյ
Աստուծած յԱստուծոյ և լոյս ի լուսոյ :
Մարիամ յանձնէ զինք Տեառն վեհ կամաց
Դառնայ Գաբրիէլ ի գոնետ հրեշտակաց .
Եղիսաբէթին տուն գնաց Մարիամ .
Եւ պատմէ նմա հրեշտակին պատգամ ,
Ապա ձայն բառնայ և այսպէս երգէ . —
« Իմ անձըս Տէրը կը մեծացունէ ,
Փրկիչ Աստուծովս հոգիս բերկրեցաւ ,
Զի ինձ խոնարհիս Տէրը նայեցաւ
Ազգերն պիտի տան ինձ երանութիւն
Զի Հզօնն ցուցուց ինձ ողորմութիւն .
Ամբարտաւաններն ցիրուցան ըրաւ ,
Խրոխտ , հպարտներն , գահէն վար առաւ .
Իսկ վեր բարձրացուց հեզն ու խոնարհներն
Բարիքով լեցուց սովեալ հոգիներն ,

Հարուստն մեծատուն Նա պարապ ճամբեց
իրմէ վախցողներն օրհնելով օրհնեց .
Օդնութիւն ըրաւ իւր ծառաներուն
Յիշելով զիւր սէր ու ողորմութիւն : »
Մարիամ իբր երեք ամիս հոն կեցաւ ,
եւ ապա նորէն նազարէթ՝ դարձաւ :

3. ԽՆՈՒՆԴ ՏԵՐ ՑԻՍՈՒՄԻ

Հրաման եղաւ Օգոստոս Կայսրէն
Որ աշխարհագիրն շուտով կատարեն .
Ուստի ամէն մարդ յիւր ծննդավայր
Պարտաւորեալ էր որ վերադառնար :
Յովսէփ ալ եղաւ նազարէթ քաղքէն
Դրացիներէն , բարեկամներէն ,
Դաւթի քաղաքն , Բեթէհեմ եկաւ ,
Խօսեցեալն նաեւ իր հետը բերաւ .
Զի Դաւթի ցեղէն էին երկուքն ալ
Յովսէփ և Մարիամ , Կոյսն շնորհընկալ :
Մարեմայ օրերն հասան և եկաւ
Ժամանակ , և նա իր որդին ծնաւ ,
Փաթթեց զԱնդրանիկն խանձարուրներով ,
Մըսուրը դրաւ զայն կենդանեաց քով .
Զի իջեւանին մէջ ալ տեղ չկար
Ուր Աստուածորդին հանգչիւ կարենար :

Շուրջ Բեթլէհեմի կային արդ դաշտեր ,
Ուր հովիւք հակեն իրենց ոչխարիներ .
Գիշերուան խաւալն յանկարծ կը փոխուի
Տեառն վեհ փառաց , երկնային լոյսի .
Հրեշտակն Աստուծոյ իջաւ երկինքէն
Հովիւք երկիւլով և վախով դոչեն :
«Մի վախնաք , գոչեց , հրեշտակին պատղամ ,
Ոհա ես ձեզի աւետիս կուտամ ,
Մեծ ուրախութիւն , անճառ ցնծութիւն
Թող լսէ այսօր համայն մարդկութիւն .
Զի այսօր ձեզի Փրկիչը ծնաւ ,
Դաւթի քաղաքը օծեալ Տէրն եկաւ .
Բեթլէհեմ գացէք , ահա ձեզ նշան ,
Մսուրն է որրան նորածին մանկան .
Անդ պիտի գտնէք երսխան պառկած ,
Խանձարուրներով փաթթուած , կապուած : »
Խոկոյն երկնային զօրաց բազմութիւն
Սկսան երգել գոհաբանութիւն .
«Փառք ՚ի բարձունըս Աստուծոյ օրհնեալ ,
Եւ խաղաղութիւն յերկրի աւերեալ
Նաեւ հաճութիւն ի մարդիկ անկեալ : »
Գունաք հըրեշտակաց յերկինս վերացան ,
Խոկ հովիւք խոկոյն Բեթլէհեմ եկան ,
Յովսէփ ու Մարիամն յիշեւանն գտին
Եւ ի մաուրին Մանուկն նորածին :
Մնունդըն Փրկչին սկսան աւետել ,

Մարդկանց սրտերը ցնծմամբ լեցնել :
Երբոր թլփատման օրը արդ հասաւ
Մարեմայ Որդին Յիսուս կոչուեցաւ :
Ինչպէս որ հրեշտակն էր հրամայած
Դեռ Նա մարդկային մարմինը չառած :



4. ՍԻՄԷԾՈՆ ԾԵՐՈՒԽԻ

Մաքրոթեան միջոցն երբոր լմնցաւ ,
Մանուկ Յիսուսը տաճարն տարուեցաւ
Որ ըստ օրինաց զո՞ն մատուցանեն
Եւ Անդրանիկը Տէրոջ նուիրեն ,
Սնդ , յերուսաղէմ , Սիմէօն կոչեալ
Կար մի այր արդար և յոյժ ծերացեալ .
Սա ի Տեառնէ հրաման էր առած ,
Որ մահ չտեսնէ Օծեալն չտեսած .
Սիմէօն առաւ Յիսուս երախան
Իր բազկացը մէջ օրհնեց Եհովան .
«Ալ հիմա , ով Տէր , արձակէ ծառագ
Խաղաղութիւնով , խօսքիդ համեմատ ,
Զի տեսին աչքերս Տեառն փրկութիւն ,
Լոյսն հեթանոսաց Արդաց քաւութիւնն է»
Նաև զՄարիամ Սիմէօն օրհնեց
Մարդարէաբար վախճանը յայտնեց :

Յովհէփ , Մարիամ ու Յիսուս երախան
Երուսաղէմէն նազարէթ դարձան .
Անդ Յիսուս մեծնար , հոգւով զօրանար ,
Խմաստութիւնով , մարմնով զարգանար .
Աստուծոյ հոգին անոր վրայ էր ,
Տէրոջ և մարդկանց քով շնորհք դտնէր :



5. ՄՈԳԵՐՆ ԱԲԵԽԵԼԻՑ

Փրկչին ծննդեան արդէն կըսպասուէր
Զի համայն աշխարհ նեղուէր տանջուէր
Մեղաց գերութեան անիծեալ լուծէն ,
Ազատուիլ կուզէր մահէն , դժոխքէն :
Մողերն էին որ նախ ճամբայ ելան
Եւ Երուսաղէմ քաղաքը եկան :
«Ո՞ւր է Հրէից արքան նորածին
Որոյ աստղն տեսանքը նոքա հարցուցին :
Զի եկած էին յերկրպագութիւն
Տէր Յիսուս Քրիստոս Փրկիչ Աստուծոյն :
Հերովդէս արքան արդ զայս լսելով
Քննութիւն բացաւ յոյժ խոռվելով .
Քահանայապետք , և դպիրք ժողուէ
Եւ զանոնք լաւ մը կը հարցաքննէ :
Նոքա կը դիմեն Տեառն մատենին
Ուր մարդարէներ կը համաձայնին

Թէ ՚ի Բեթլէհեմ Դաւթի քաղաքը
Պարտի ծնանիլ մարդկանց Փրկիչը :
Հերովդէս յայնժամ մոգերը կանչէ
Եւ զանոնք գաղանի Բեթլէհեմ խրկէ ,
Որ մանկան եղած տեղ հասկնան ,
Եւ ապա իսկոյն իրեն իմաց տան :
Աստղն առաջնորդէ զայնս ի Բեթլէհեմ
Եւ կանգնի յանկարծ իջեւանին դէմ :



Մտնեն Յիսուսի գտնուած տեղը .
Մեծ ուրախութեամբ բերկրին մոգերը .
Երկրպագութիւն ընեն Մանուկին
Կնդրուկ և զմուռս , ոսկի նուիրեցին .
Ուրիշ ճամբայէ տեղերնին դարձան ,
Հերովդէսի յոյսք արդ ոչնչացան


Խստասիրս իշխանն խիստ բարկանալով
Խրկեց դահիճներ սաստիկ հրամանով
Որ բոլոր մանկունք երկու տարեկան
Սրով սպաննուին , և անհետանան ,
Որպէս զի Յիսուս ևս սպաննուի
Եւ իւր դահն այսպէս լաւ ապահովուի :
Սակայն Տեառն հրեշտակ զիշերանց եկաւ
Եւ Յովլսեփայ ալ հրաման ըրաւ
Ռոնել զՄարիամ և զՄանուկը
Եգիպտոս փախչիլ ազատել իւր կեանքը :
Մինչեւ որ մեռնի այն չար Հերովդէս
Յիսուս ազատի այս մեծ վտանգէս .
Երբոր Հերովդէս չարաշար մեռաւ ,
Տէրով հըրեշտակ առ Յովլսէփ եկաւ ,
Եւ հրամայեց իր երկիր դառնալ .
Զի թշնամիներն բոլորն են անցեալ .
Հստ այս հրամանի նաղարէթ եկաւ ,
Ուր Յիսուս մանուկն մեծցաւ , զարդացաւ :



6. ԵՐԿՈՏԱՍԱՆԱՄԵԱՅ ՅԻՍՈՒՍ

Յիսուսի ծնողք մի անդամ տարին
Երուսաղեմայ տաճարն երթային .
Եղթ երկոտասան տարեկան եղաւ ,
Յիսուս ծնողաց հետ ընկերացաւ .

Երուսաղեմայ զատկական տօնին
 Մասնակից եղաւ ինքն ալ միասին :
 Տօնն աւարտելով արդ վերադարձան,
 Բայց Յիսուս մանուկն տեղ մը չգտան .
 Սկսան փնտռել մէկ օրէն ետեւ
 Ճամբորդաց մէջ, բայց աւաղ ի դերեւ .
 Ուստի վերստին սուրբ քաղաք գարձան
 Եւ տաճարին մէջ զայն նստած գտան
 Հնդ քահանայից և վարդապետաց ,
 Եւ պատասխանէր նոյն ըրած հարցմանց :
 Ինք ևս հարցունէր և մըտիկ ընէր ,
 Պատասխաններովն կը զարմացնէր :
 «Որդեակ իմ ինչո՞ւ ըրեր այս բանը ,
 Հսաւ Յիսուսի խանդակալթ մայլը .
 Ահա քու հայրդ և ես վշտացած
 Քեզ կը փնտռենք տրտում և տիրած :»
 «Ի՞նչ փնտռէք զիս, միթէ չէք գիտեր
 Որ Հօրը տունը ըլլալ ինձ պէտք էր :»
 Փոքրիկ Յիսուսի այս խորիմաց խօսք
 Բնաւ չհասկցան իւր բարի ծնողք .
 Իշաւ նոցա հետ նազարէթ դնայ
 Միշտ հնազանդ էր իրեն ծնողաց .
 Կ'աճէր հասակաւ , իմաստութիւնով ,
 Յ'երկնի և յերկրի շնորհք գտնելով :



6. ՄԿՐՏՈՒԹԻՒՆ ՏԷՐ ՅԻՍՈՒՍԻ

Յովհաննէս , որդին Զաքարիայի
 Անապատից մէջ կ'ապրի երսուն տարի .
 Ուղտի մազերէ հանդերձներ հագած ,
 Մէջքը կաշիէ գօտի մը կապած ,
 Մարախ , վայրի մեղք էր իր կերակուր
 Եւ իր ըմպելիք ժայռէն վազած ջուր :
 Հստ Աստուածային նախկին որոշման
 Նա այժմ սկսի իւր քարոզութեան :
 Նա կը քարոզէր ապաշխարութիւն
 Զի մերձ է Փրկչին իշխանութիւն :
 Բազումք կը կարծեն թէ նա է Մեսիան
 Եւ խումք , խումք իրեն կը դիմեն կուգան .
 Բայց նա ցոյց կուտայ զԳառն Աստուծոյ
 Որ բառնայ զմեղս աշխարհի մերոյ :

«Ի՞նչ լնենք ,» հարցնեն , ապաշխարողներ .
 Մաքսաւորներ իսկ , նաեւ դպիրներ :
 Իւրաքանչիւրին տայ յարմար յորդոր
 Հաճոյ լինելոյ Հօրն մեր երկնաւոր :
 Տէր Յիսուս էր այժմ երսուն տարեկան
 Եւ գայ արարոնօք ի գետն Յորդանան
 Առ ի մկրտիլ 'ի Յովհաննէսէ :
 «Ինձ մկրտուիլ պարտէ լոկ քեզմէ ,
 Եւ դու առ ի՞ս գաս , ով Փրկիչ խոնարհ ,
 Որ վասն մեր մեղաց եկած ես աշխարհ :»
 «Թող տուր , Յովհաննէս , Տէր Յիսուս կըսէ ,
 Թող տուր , զի մեղի պարտք և վայել է
 Կատարել բոլոր արդարութիւնը
 Եւ ի գործ դնել բոլոր օրէնքը :»
 Մանէ Յորդանան , և անդ աղօթէ .
 Յետոյ Յովհաննէս զայն կը մկրտէ :
 Յետ մկրտութեան ջուրէն դուրս ելաւ
 Յիսուսի վրայ երկինք բացուեցաւ ,
 Նաև Հոգին Սուրբ աղաւնոյ նման
 Հանգչեցաւ իսկոյն Յիսուսի վրան
 Զայն մը եւս յերկնից մեղմիւ կը լսուի
 «Ատիկայ է իմ Որդի սիրելի
 Ոնոր եմ հաւներ անոր լսեցէք ,
 Ինչ որ ձեզ ըսէ և մտիկ ըրէք :»

7. ՓՈՐՁՈՒԹԻՒՆՔ ՏԵՐ ՅԻՍՈՒԽԻ

Յետ մկրտութեան Հոգիէն ապրուի
 Յիսուս յանապատ որ անդ փորձուի
 Քառասուն ցերեկ , քառասուն գիշեր
 Ծոմապահելով անօթեցած էր :
 Յայնժամ սատանան , փորձիչն , բանսարկուն
 Որ ի գրախտին , առաջին մարդուն
 Անկմանը միջոց , պատճառ էր եղած ,
 Մօտենայ Փրկչին , նենդութեամբ լցուած .
 «Եթէ Աստուծոյ որդին ես , Յիսուս ,
 Պէտք չէ որ ըլլաս լքեալ և անյօյս .
 Հրաման ըրէ քարերն հայ ըլլան ,
 Մարդիկ զայս տեսնեն քեզի հաւատան :»
 «Ոչ թէ լոկ հացով միայն մարդիկ ապրին
 Այլ հզօր խօսքով Տէր Եհովային :»
 Զայս ըսէ Յիսուս , ի պատասխանի
 Փորձիչն տուած վատթար խրատի :
 Բարձր մի լեռ Յիսուս հանէ սատանան
 Թագաւորութիւնք աշխարհի համայն ,
 Ի մի վայրիենի նմա ցոյց կուտայ
 Եւ հրապուրիչ խօսքերով ջանայ
 Երեն աղօթել զնա համոզել
 Եւ փառք աշխարհի իրմէ ընդունել ,
 Զի իրեն դորձն է բաշխել ըստ կամաց
 Կամանութիւնք ու փառք տիեզերաց .

Որոյ որ ուղէ , որոյ որ կամի
 Նմա՝ որ կամացն իւր հնազանդի .
 «Քու Տէր Աստուծոյդ լոկ երկրպագես
 Եւ միմիայն զայն ի սրտէ պաշտես .»
 Բաէ Տէր Յիսուս ի պատասխանի
 Հրապուրական բանից սատանի :
 Ապա բանսարկուն վերջին մի հարուած
 Տալ դլսոյն Փրկչին է լաւ որոշած .
 Ուստի Յիսուսը Սուրբ քաղաք տանի ,
 Հանէ զանիկայ խօսքով գեղանի
 Տաճարին բարձր աշտարակին վրայ
 Հոն զայն կանգնեցնէ և զայս խրատ տայ .
 «Թէ որ Աստուծոյ Որդին ես իրօք ,
 Վար նետէ դքեզ ասկից , լիր անհոգ .
 Զի ապսպրած է Տէրն հրեշտակաց
 Որ վերցնեն քեզ ի վերայ ձեռաց ,
 Որ ոտքդ բնաւ քարի մը չզարնես ,
 Երկնային գալուստ ապացուցանես .»
 Որդին Աստուծոյ յայնժամ զայրանայ
 Եւ որոտնանման ձայնիւ կը գոռայ .
 «Կորիր , սատանայ , շուտ գնա ետիս ,
 Այլ ես մի ջանար ի զուր փորձել զիս .
 Զի գրեալ է որ զԱստուածդ չփորձես .
 Եւ փորձութենէ զանձդ հեռի պահես .»
 Յայնժամ սատանան յոյժ ամօթահար
 Խսկոյն կը փախչի Փրկչին ի սպառ .»

Կը հասնին յերկնից սուրբ հրեշտակներ
 Եւ կը ծառայեն յաղթող Փրկչին մեր ,
 Որ Բանին Տեառն երկսայլի սրով
 Զախշախսեց դլուխն փորձիչին ուժով :



8. ԿԱՆԱՅԻ ՀԱՐՍՆԻՔԸ

Որդին Աստուծոյ այժմ պատրաստ էր
 Որ զիւր պաշտօնն ու կոչումն կատարէր .
 Երեք տարիներ նա աշխատեցաւ
 Բարիք ընելով միշտ պտղատեցաւ ,
 Մերթ քարոզութեամբ , մերթ առակներով
 Սիրոյ գործերով և հրաշքներով :

Առաջին հրաշքն գործեց ի կանայ
Ուր մի հարսանեաց գտնուէր ներկայ .
Ի մէջ հանդիսին գինին պակսելով
Մայրն իրեն դիմեց յուսահատելով :
Գինւոյ կարասներն պարզ ջրով լեցուց
Սեղանապետին զայնս ներկայացուց .
Սա երբ ի գինի փոխուած ջուրն խմեց
Մեծ զարմացումով փեսային գոչեց ,
«Լաւագոյն գինին դու ցարդ պահեցիր
Որով մեզ ի զուր խոռվեցուցիր :»
Այս հրաշքովն Յիսուս փառքն յայտնեց
Եւ բազմաց հաւատքն ու սէրն դրաւեց :



9. ԸՆՏՐՈՒԹԻՒՆ ԱՌԱԲԵԼՈՅ

Մեծ էր գործ Փրկչին , իսկ կարճ ժամանակ
Գիշեր և ցերեկ գործէր շարունակ ,
Հաց իսկ ուտելու չէր գտներ ատեն ,
Զի ամէն կողմէ դիմէին իրեն :
Գլուխ գնելու տեղի մը չունէր ,
Շարունակ ասդ անդ կը թափառէր :
Ուստի նա ընտրեց արք երկոտասան
Որ ըլլան իրեն սատար օգնական :


Սոքա են անուանք երկոտասանից
Որք էին Փրկչին ծառայ , գործակից ,
Պետրոս , Յովհաննէս , Սիմօն , Անդրէաս ,
Մատթէոս , Յուգա , Փիլիպպոս , Թովմաս ,
Բարթոլիմէոս , Յակոբոս Ալֆեան ,
Թամատէոս և Յակոբոս Զէրէթեան :
Զայս երկոտասան Տէր Յիսուս խրկեց
Աւետարանել անոնց պատուիրեց .
Տուաւ զօրութիւն հրաշքներ գործելոյ
Խոնարհ անձնուրաց կեանք անցնելոյ .
Բաց ի սոցանէ այլ եօթանասուն
Որոշեց Յիսուս և խրկեց հեռուն ,
Քարոզել մարդկանց Սուրբ Աւետարան =
Այսպէս ինքը Տէրն և Առաքեալներ
Կը պըտըռէին քաղաքներ , գիւղեր .
Կը քարոզէին , սորվեցնէին
Մարդիկ առ Աստուած առաջնորդէին :



10. ՄԱՀ ՅՈՎՀԱՆՆՈՒ ՄԿՐՏՉԻՆ

Ապաշխարութեան այն սուրբ քարոզիչն
Փրկչին կարապետն նաև Մկրտիչն
Յովհաննէս դադրած էր իր պաշտօնէն
Եւ կը հալածուէր Հերովդի ձեռքէն :

Սա Հերովդիայի պիղծ խնդրոյն համար
Յովհաննէսէն միշտ սաստեր ստանար .
Ի վերջոյ այլ ևս չհանդուրժելով
Զանի բանտարկեց մեծաւ զայլոյթով .
Արդ. Հերովդիսի ծննդեան օրը
Մեծ հանդէս կըլլար իրեն պալատը .
Հերովդիայի աղջիկն անդ պարեց ,
Եւ Հերովդիսի սիրտը գրաւեց .
Սա խօստացաւ տալ անոր ուզածը ,
Թագաւորութեան մինչև իսկ կէսը .
Աղջիկն ալ մօրմէն խրատ առնելով
Յովհաննու զլուխն պահանջեց շուտով ,
Դահիճներն իսկոյն բանտը վազեցին
Եւ Յովհաննէսը անդ գլխատեցին .



Աղջկան տրուեցաւ գլուխն ափսէով
Եւ սա զայն անդութ մօրն տարաւ փութով .

Իսկ աշակերտներն մեծաւ տրամութեամբ
Մեռեալ մարմինը , լի համակրութեամբ
Բանտէն վերցնելով գացին թաղեցին
Դարձան Յիսուսի բոլորն պատմեցին :



11. ՀՐԱՇՔ ՏԵՐ ՅԻՍՈՒՍԻ

Տէր Յիսուս Քրիստոս յաշխարհի կենաց
Բազում հրաշքներ ունի կատարած .
Նախ Կանայի մէջ հարսանեաց տօնին
Ջուրն ըրաւ գինի ամենուն առջին :
Բորոտին , « կուզեմ , մաքրուէ » ըսաւ ,
Բորոտութենէն նա մաքրուեցաւ :


Ա. ՀԻՒԱՆԴՆԵՐ

Տասն բորոտներ աղաղակեցին
« Յիսուս վարդապետ մաքրէ մեղ » ըսին .
Բոլորն ալ իսկոյն բժշկուեցան
Լոկ մին բերաւ զոհ չնորհակալութեան :

Հարիւրապետին հոգեւար ծառան
Խօսքով բժշկեց ամէնքն ապշեցան :

Աղնուականին հոգեւար որդին
Ի կեանըս դարձաւ խօսքովն Յիսուսին :

Պետրոսի զռքանջ , ջերմէն բռնուած
Լոկ սաստմամբն Փրկչին ջերմ զայն է թողած :



Անդամալոյծը կղմինտըրներէն
Մահիճով մէկտեղ Յիսուսի բերին .
« Ներեալ են մեղք քո , ելի՞ր ու քալէ » ,
Հսելով Յիսուս զանի բժշկէ :

Կին մը դեռատես դպչի հաւատքով
Փրկչին քղանցքին աղեկնայ շուտով :

Բեթհելուայի մէջ ծանր հիւանդ մը կար
Երսուն և ութը տարի էր անկար .

« Ել , առ մահիճըրդ ու տունըդ գնա »
Հրամայէ Տէրն և հիւանդն անսայ :

Տասն և ութ տարուան կծկտեալ մի կին
Խսկոյն շակուի , հրամանաւ Փրկչին :

Զբգողեալն բռնէ և կը բժշկէ
Եւ ողջ ու առողջ տունը կը ճամբէ :

Բ. ԿՈՅՐԵՐ

« Ողորմէ մեզի , ով Որդի Դաւթի » ,
Կազաղակէին կոյրերն Յիսուսի ,
Աչքերնուն դպաւ , զանոնք բժշկեց ,
Լուսթին պահել նոցա պատուիբեց :

Ի Բեթսայիդա մի կոյր կը բերեն
Եւ բժշկութիւն իրմէ կը խնդրեն ,
Օրհնեալ ձեռք կոյրին աչացը դրաւ
Յստակ տեսնելով սա իր տուն դարձաւ .

Ի ծնէ կոյրը Յիսուս կը տեսնէ ,
Թուքով կաւ շինէ և աչքերն ծեփէ .
Եւ ի Սէլսլամ աչքերն լուալով ,
Կը վերադառնայ բացուած աչքերով ,

Երիքովի մօտ կոյր Բարդիմէոս
Մուրալ էր նստած ախուր և անխօս ։
Դաւիթի որդին անկէ անցնելով
Բժշկէ զնա կարեկցութիւնով ։

Գ. ՀԱՇՄԱՆԴԱՄՆԵՐ

Աջ ձեռքը չորցած մարդը բժշկեց
Եւ փարիսեցւոց զայրոյթն դրդոեց ։

Խուլ, դժուարախօս մարդ մը բերուեցաւ
Մատերն ականջը խօթեց և թքաւ
Եւ նաեւ անոր լեզուին դպչելով,
Լոկ մի «Եփիթա» արտասանելով.
Անոր ականջներն իսկոյն բացուեցան
Եւ լեզուին կապերն ալ արձակեցան ։

Ի Գեթսեմանի երբ Տէրն մատնուի
Պետրոս քաշէ սուրճն և կը յարձակի,
Մաղքոսի ականջն մէկդի կը հանէ,
Յիսուս դպչելով զայն կը բժշկէ ։

Դ. ԴԻՒԱԶԱՐՆԵՐ

Կափառնայումի ժողովարանը
Պիղծ գեւի ոգին կը տանջէր մարդ մը՝
Յիսուս կը սաստէ «պապանձէ» ըսէ,
Դեւն հնազանդի և ելլէ անկէ ։

Երկու դիւահարք, անզուսպ և կատղած .
Գերեզմաններէն ելած և փախած,
Լէդէն դեւաց նոցա մէջ բնակին
Սակայն Յիսուսի առջին խոնարհին :
Դեւերն անոնցմէ հրաժարին, ելլեն
Եւ խոզերուն մէջ մտնել կորոյեն,
Դիւահարք հագուած նաև խելօքցած
Յիսուսի սոգը հանդարտ են նոտած .
Երթան Աստուծոյ չնորհքն կը պատմեն
Բոլոր քաղաքին մէջ կը քարողեն ։

Համր դիւահար մը իրեն բերուեցաւ
Երբ դեւը ելաւ համրն ալ խօսեցաւ ։

Ուրիշ մի թշուառ համր, կոյր, դիւահար
Բժշկեց Յիսուս մարդասիրաբար ։

Մի Քանանացի կնոջ աղջիկէն
Հանեց դեւն Յիսուս, փրկեց տանջանքէն .

Նախ կնոջ հաւատք փորձի ենթարկեց ,
Եւ շուներուն հետ զանի բաղդատեց .
Բայց կինը լսաւ . « Տէր իմ՝ շուներն ալ
Տղոց փշրանքէն կլնան կշռանալ » :

Լուսնուս ողբւոցն հայրն դայ աշակերտաց ,
Նոքա չեն կարող սաստել տանջանաց .
Յիսուս կը սաստէ , դեւն ելէ անկէ ,
« Ծոմով , աղօթքով դեւն կելէ » կըսէ :



Ե. ՄԵՌԵԱԼՆԵՐ

Դուստր Յայիրոսի մեռած է արդէն
Ողբալի կերպով փողահարք երգեն .
« Մէկդի գնացեք » աղջիկն չէ մեռած ,
Գոջէ Տէրն հզօր մահուան և կենաց ,

Աղջիկան ձեռքէն բռնէ և ըսէ ,
« Տալիթա կումի » սա իսկոյն ելլէ .
Աղջիկն յարեալ է տասներկու տարուան
Տէրն հրամայեց որ ուտելիք տան :

Նային քաղքին մօտ Յիսուս պատահի
Մեռեալ պատանոյն թաղման թափորի .
Յիսուս կը խղճայ զայրի թշուառ մայր
Եւ կարեկցաբար կ'ըսէ « կին մի լար » :
Մեռեալ լսէ ձայն փրկչին սիրալիր ,
« Ով դու պատանի , քեզ ըսեմ , ելի՞ր » .
Դագաղին մէջը ելաւ , նստեցաւ
Սկսաւ խօսիլ , Տէրն զոյն մօրն տուաւ :
Յիսուս է ըսին « մարդարէ մի մեծ ,
Տէրն իւր ժողովուրդ սիրով այցելեց » .

Ղազարոս և քոյրն Մարիամ ու Մարթա
կը բնակէին ի Փիւթանիա ,
Նոցա տուն Յիսուս յաճախ այցելէր :
Մասնաւորապէս զանոնք կը սիրէր :
Ղազարոս եղբայրն ծանր հիւանդացաւ
Օր ըստ օրէ իւր վիճակն ծանրացաւ .
Իրենց սիրելի Յիսուսն կանչեցին
Դեռ նա չհասած , հիւանդն թաղեցին :
Զորս օրէ ի վեր Ղազարոս մեռած
Եւ գերեզման իսկ էր փոխադրուած .

Երբ իշխանն կենաց ի գերեզման գոյ
Եւ քարը դռնէն մէկդի ընել տայ,
Զերմեռանդութեամբ նախ Տէրն աղօթէ.
Որ հայրը իրեն այս անգամ լսէ .
«Ղազարոս ելիր, շուտով դուրս եկուր»,
Հրամայէ Տէր ձայնիւ մի ամուր .
Մեռեալը յարեաւ ոտք ու ձեռք կապուած
Եւ պատանքներով լաւ մը փաթթուած .
Քահանայապետք և փարիսեցիք
Կը խորհին Փրկչին համար մեծ չարիք .
Կ'ուզեն սպաննել զանի բայց վախճան
Զի պատուեն Յիսուս ժողովուրդ համայն :

Զ. ԾՈՎՈՒՆ ՎՐԱՑ

Զկնորս առաքեալը ի բոլոր դիշեր
Բազում աշխատին ձուկ մը չեն բոներ ,
Տեառն հրամանաւ ուռկանը նետեն
Այնքան լեցուի որ , քաշել կարող չեն ,
Երկու նաւերն ալ ձուկերով լեցուին
Եւ աշակերտներն զարմանան ապշին .
Տէր Յիսուս լսէ , «բնաւ մի վախճաք
Զի մարդկանց որսորդ պիտի դուք ըլլաք» :

Տրոց հաւաքիչք Պետրոսի կուգան
Եւ կը պահանջեն ըզերկդրամեան .

Դրամ կը պակսի , Յիսուս կը հասնի
Իւր օգնութիւնով յոյժ սքանչելի .
Գնա դէպ ի ծով , կարթըդ հոն ձգէ
Եւ առաջին ձուկ որ պիտի ելլէ
Բաց նորա բերան , գտնես մի սատեր
Վճարէ անով բոլոր մեր պարտքեր :

Գալիլեայի ծովս հանդարտ է ահա ,
Նաւ մ'անոր վրայ յառաջ ընթանայ ,
Աշակերտք և Տէր ի նաւն գտնուին ,
Սա կը քնանայ , նոքա խօսակցին .
Յանկարծ ահոելի , ահեղ փոթորիկ ,
Ծովս ալեկոծի , նաւն ծածկեն ալիք .



Աշակերտք դոչեն յոյժ ահաբեկեալ ,
Օգնութիւն խնդրեն Փրկչին երանեալ .

Նա իսկոյն ելլէ , հովս ու ծովս սաստէ ,
Եւ խաղաղութիւն վերստին տիրէ ,
Կախով , զարմանքով բոլորն հարցնեն .
Ո՞վ է սա որոյ հով , ծով հնաղանդեն :

Է. ՀԱՅ ԵՒ ԶՈՒԿ

Երկու անգամ Տէրն կերակրեց մարդիկ ,
Նախ հինգ և ապա չորս հազար հոգիք .
Բանի մը հացով , մի քանի ձռւկով ,
Լոկ Հօր Աստուծոյ նախ աղօթելով ,
Կերան , կշացան , Տէրոջ փառք տուին ,
Եւ զամբիւղներով կտոր վերցուցին :



Անգամ մը դարձեալ ծովս ալեկոծեալ
Աշակերտաց նաւն սպառնայ կուլ տալ :


Ահեղ փոթորիկ , ալեկոծոթիւն ,
Պատճառեն նոցա մեծ շփոթոթիւն :
Յիսուս քալելով ջուրին վրայէն ,
Դէպի ի նաւն կուգայ ալեացը մէջէն .
Այս կրկնապատկէ նոցա ահ և դող
Կը սկսին պօռալ որ դայ մի օգնող .
«Քաջ եղէք ես եմ մի վախնաք » ըսէ ,
Պետոս ևս ծովուն վրայ քալել փորձէ ,
Սակայն ընկղմի . Յիսուս կը հասնի
Կը քաշէ ձեռքէն Պետոսն աղատի :



Ը ԹՁԵՆԻՆ

Երբ վերջին անգամ զատկական տօնին ,
Տէրն Երուսաղէմ մտաւ տիրագին ,

Ճամբուն քով տեսաւ մի բարձր թղենի ,
Լի տերեւներով բայց առանց պտղի .
Յիսուս կանգնեցաւ և անիծեց զայն ,
Այլ եւս չունենաս պտուղ յաւիտեան .
Անպատուղ ծառը արմատէն չորցաւ ,
Մեզի ահոելի օրինակ եղաւ .
Ո՞վ որ հաւատոյ պտուղ չբերէ
Նոյնպէս և զանի՛ պիտի անիծէ ,



12. ԱՌԱԿԻ ՏԵՐ ՅԻՍՈՒՍԻ

Տէր Յիսուս Քրիստոս Երբ ուսուցանէր
Սուրբ Աւետարանն , Երբոր քարողէր ,
Առօրեայ կեանքէն բերէր օրինակ
Ծանօթ պատմութիւնք նաեւ պարզ առակ :
Ասոնցմով պարզէր ճամբան փրկութեան ,
Եւ ազդու առնէր խօսքն ճշմարտութեան .
Որովք հաւաքեալ արանց և կանանց
Արտից լաւ ազգէր օրհնեալ բանն կենաց :

ԵՐԿՈՒ ՃԱՐՏԱՐԱՐԱՊԵՏՔ

Մատ. Ե. 24-27

Յետ քարոզութեան ի վերայ լերան
Բոլոր յորդորներն ժողուեց ի մի բան .
Ճարտարապետաց առակն խօսելով
Եւ այսու անոնց ազգարարելով .
Որ լոկ լսելով բնաւ գոհ չըլլան
Այլ լսածներնին կատարել ջանան :
Զի նա որ իւր խօսք լսէ , կատարէ
Ժայռի վրայ տուն շինողին նման է ,
Զոր անձրեւ և հով չեն կարեր քանթել ,
Ոչ ալ գետերը զանի քայքայել :
Խակ նա որ լսէ , բայց ոչ կատարէ .
Աւազի վրայ իւր տուն կը շինէ ,
Անձրեւներ իջան , հովեր վշեցին ,
Գետերն վազեցին և տանը զարկին ,
Սա վիշաւ , կարաւ , և կործանեցաւ ,
Նորա աւերում ահոելի եղաւ :



ԱՐՏԵՐ ԶԱՆԱԶԱՆ

Մատր. ԺԳ. 1-9, 18-23

Աստուծոյ խօսքին մարդոց ողտին վրան
Թողած, զանազան կերպ ազգեցութեան,



Իբր բացատրութիւն սերմնացանն ցուցնէ
Որ ճիշդ այն պահուն սերմը կը ցանէ :
Իւր սերմերն ցանել ելաւ սերմնացանն,
Որոնցմէ ոմանք ճամբուն քովլ իյնան,
Երկնից թռչուններն զայնս ժողուեցին
Մի առ մի կերան, բան չթողուցին :
Այլք ապառաժուտ հողի մէջ ինկան,
Հոն շատ հող չկար, ուստի շուտ բուսան,
Բայց, աւազ, չուներ հողը խորութիւն,
Ուստի շուտ չորցան դալով տաքութիւն :

Ուրիշներն ինկան ի մէջ փուշելու,
Եւ խեղդուեցան առանց աճելու :
Իսկ ոմանք բարի հողի մէջ ինկան
Եւ ժամանակին առատ պտող տան,
Որ մէկը հարիւր, ոմանք ալ վաթսուն
Եւ, առ նուազըն, ոմանք երեսուն :

ՈՐՈՌԸԸ

Մատր. ԺԳ. 24-30, 36-43

Որոմին առակ կը սորվեցնէ
Թէ ընկերական կեանք խառնուած է,
Թէ չարն ու բարին միշտ խառն գտնուին
Թէ զայնըս զատել չէ գործ մարդկային :
Բաց Աւետարանդ, կարդա այս առակ,
Որ ըլլայ կենացդ ընակը օրինակ :

ՀԱՏՆ ՄԱՆԱՆԷԽԻ

Մատր. ԺԳ. 31-32

Մանանէխի հատն զոր մարդը ցանէ,
Եւ թէև սերմոց փոքրագոյնն իսկ է,
Կ'աճի, զարդանայ, մեծ բոյս մը կ'ըլլայ,
Թռչնոց հանդստեան տեղի ալ կուտայ :
Այս պարզ առակաւ Տէլն սորվեցնէ,
Թէ սկիզբն եթէ աննշան ալ է

Սակայն, երբ Աստուած զիւր օրհնութիւն տայ,
Փառաւոր վախճան պիտի ունենայ:

ԽՍՈՐԸ

Մատք. ԺԳ. 33

Խմորին առակն կը սորվեցնէ,
Թէ Աւետարան զմարդ կը փոխէ,
Նա է նորոգիչ զօրութիւն միայն
Վերանորոգէ մարդկութիւն համայն:
Կինն առնու խմորն և երեք գրիւ
Ալիւրին մէջը դնէ զայն ճշդիւ.
Անցնի ժամանակ և մէյմալ տեսնէ
Որ բոլոր զանգուած լաւ խմորած է:

ԳԱՆՉ ԾԱԾԿԵԱԼ

Մատք. ԺԳ. 44

Արտին մէջ պահեալ գանձլն թանկագին
Մարդ մը գտնելով ծածկէ խնդագին.
Ամէն բան ծախէ ուրախութենէն
Եւ արտը գընէ, զայն ընէ իրենն:
Այսպէս է նաեւ ճամբան փրկութեան,
Նախ ծածկեալ է նա ի խոր մթութեան,
Աստուծոյ շնորհօք սա մեզ յայտնուի
Որով սիրտերնիս բերկութեամբ լեցուի:

ՊԱՏՈՒԱԿԱՆ ՄԱՐԳԱՐԻՏԸ

Մատք. ԺԳ. 45-46

Վաճառականը գոհարներ վնտուէ,
Եւ մէկ պատուական մարդարիտ գտնէ,
Գընաց ունեցածն բոլորն վաճառեց,
Եւ այն թանկագին մարդարիտն գնեց:
Արժէքն Յիսուսով եղած փրկութեան,
Գերազանց է քան զգանձս ամենայն.
Կատարելապէս սա մարդս գոհ ընէ,
Այս մէկ բանին տեղ ամէն բան զոհէ:

ՏԱՆՈՒՏԷՐՆ

Մատք. ԺԳ. 52

Իրեն գանձերէն - փորձառութենէն -
Հին և նոր բաներ հանող տանտէրէն,
Ճշմարտութիւնը սորվինք մերն ընել
Եւ զնա այլոց նաև հաղորդել:

ԶԱՐ ԾԱՌԱՆ

Մատք. ԺԸ. 23-35

Իշխանն կանչէ իրեն ծառաներ,
Եւ քննէ անոնց պարտքեր, հաշիւներ,

Տասմհազար տաղանդ արդ մին կը պարտէր
 Զայն վճարելու բնաւ կարող չէր :
 Ուստի հրամայեց որ շուտ վաճառեն
 Ինչք, կին և զաւակ, պարագը վճարեն .
 Իսկ ծառան անոր առջին իյնալով
 Համբերէ, կ'ըսէր, երկրպագելով .
 Համբերէ, ինձ Տէր, և պարագս վճարեմ
 Քեզ ամէն կերպով գոհ պիտի ընեմ :
 Տէրը գթալով բոլոր պարտքն շնորհեց
 Թշուառ պարտականն ազատ արձակեց :
 Արդ կարդա հիմա սուրբ Աւետարան
 Եւ տես ինչ կընէ անպիտան ծառան,
 Իր ընկերակցին մի չնջին պարտքին
 Հատուցումն պնդէ . յըլուման իսկ վերջին
 Տէրն ալ բարկանայ ու զայն բանտարկէ,
 Մինչեւ որ վերջին լուման վճարէ :
 Պարտին միշտ ներել եղբարսք միմիանց
 Փոխադաբար բազում յանցանաց
 Մինչ Տէրն կը ներէ մեր ծանր, մեծ մեղքեր,
 Ինչո՞ւ չներենք եղբարց յանցանքներ :

ԱՅԴԻՌՅՆ ԲԱՆԴՈՐՆԵՐ

Մատք. ի. 1-16

Առաջինք յետին, յետինք առաջին,
 Սորվեցնէ մեղ առակն այդիին,

Առատուանց կանուխ կեղէ տանուտէր,
 Այդիին համար դանել բանւորներ,
 Օրն մէկ դահեկան վարձք խոսանալով,
 Իր այդին խրկէ զանոնք փութալով :
 Ժամը երեքին ատեններն եղէ,
 Աւրիշ բանւորներ ալ այդին խրկէ :
 Եւ ժամը վեցին ու տասնումէկին,
 Այդին խրկուին բանւորներն վերջին :
 Արդ երեկոյին կոչուին բանւորներ,
 Եւ կը տեսնուին իրենց հաշիւներ,
 Ոմէնն ալ առնեն մէկ մէկ դահեկան
 Առաջինք, վերջինք միմիանց նման,
 Կանուխ եկողներ տեառն դէմ արբանջեն,
 Որ վերջիններուն հաւասար առնեն,
 Բայց Տէրը զանոնք կը յանդիմանէ,
 Եւ իր խոստումը նոցա յիշեցնէ,
 Առ, կըսէ, բաժինդ, ելիդ ու գնա,
 Կուզեմ որ վերջին նոյն վարձք ստանայ :

ԵՐԿՈՒ ՈՐԴԻՔ ԱՆՆՄԱՆ

Մատք. ի. 28-32

Մարդ մը իր որդւոցը մէկուն ըսէ .
 Որդեակըս դնա և այդիս դործէ,
 Զեմ երթար, կըսէ, սա, բայց, կը զզնայ
 Եւ յետոյ այդին գործելու երթայ :

Միւսին ալ հայրն տուաւ նոյն հրաման ,
Այո , կերթամ , հայր , ըսաւ խաբերան ,
Սակայն չգնաց , այլ ժամերն վատնեց ,
Եւ իւր հօրն հրաման անարդեց , կոտրեց .
Այսու առակաւ Տէրը ցոյց կուտայ ,
Որ երկու տեսակ հնաղանդութիւն կայ .
Մին կեղծաւորի , խաբել կը փորձէ ,
Թէև ի սրտէ կը խորշի անկէ :
Միւսն սրտին մէջ ինչ որ կը խորհի ,
Նոյնպէս ամենուն նաև կ'երեւի :

ԶԱՐ ՄՇԱԿՆԵՐՆ

Մատք. ԻԱ. 33-46

Տանուտէր մարդ մը այգի մը տնկեց ,
Եւ անոր շորջը ցանդով մը պատեց .
Հնձան մը փորեց , աշտարակ կառոյց ,
Ինքը ճամբորդեց , մշակաց թողուց :
Երբոր մօտեցաւ ատեն պտուղին
Քազում ծառաներ խրկեց նա այգին :
Մշակներն զոմանս լաւ մը ծեծեցին
Զայլս քարկոծեցին , զայլս սպամնեցին .
Նորէն խրկեց շատ ուրիշ ծառաներ ,
Նոյնն ըրին անոնց անդուժ մշակներ .
Ի վերջոյ որդին խրկեց ըսելով .
Գուցէ տան պտուղն յոյժ ամաշելով :

Մշակներն երբոր իր որդին տեսան ,
«Ահա Ժառանգը » , ըսել սկսան .
«Օն , սպամնենք զայն , անհետացնենք ,
Ժառանգութիւնը մեզ սեպհականենք .»
Այսպէս այգիէն զայն դուրս հանեցին ,
Եւ հոն չարաչար կերպով մեռցուցին :
Այգիին տէրը զասի երբ լսեց ,
Սաստիկ բարկացաւ , մշակներն ջարդեց :
Ուրիշ մշակաց յանձնեց իւր այգին
Որ պտուղն յանձնեն իւր ժամանակին :
Տեառն ժողովուրդեան ապառնին , անցեալն
Այս առակովըս է լսու բացատրեալ .
Շատ համբերութեամբ Եհովա Աստուած ,
Ապաշխարութեան պտուղ էր ուզած .
Միշտ անարդեցին Սուրբ Մարգարէներն ,
Եւ սպամնեցին անոնցմէ շատերն .
Աստուած ի վերջոյ միածին Որդին
Խրկեց մանաւանդ սիրելի ազգին .
Նա ևս քարողեց ապաշխարութիւն ,
Սրտի նորոգում մեղաց քաւութիւն :
Զայն ևս այն ատեն շատ չարչարեցին
Խաչին ցաւալի մահուան մատնեցին .
Ուստի այգւոյն Տէրն շուտ զանոնք պատժեց
Եւ իւր բարկութիւն անոնց վրայ թափեց :
Յետ մահուան Փրկչին սուր , սով , գերութիւն
Գալով զայնս մատնեց ի թշուառութիւն .

Իսկ այգին յանձնեց ուրիշ մշակաց ,
Որ կոչեալ էին ի հեթանոսաց :
Մենք ալ թէ մեղաց վրայ չզղջանք
Ապաշխարութեամբ Փրկչին չդառնանք .
Այս պիտի ըլլայ մերին ալ վախճան ,
Պիտի պատժուինք մահովն յաւիտեան :

ՀԱՆԴԵՐՁ ՀԱՐՍԱՆԵԱՅ

Մատք. Իթ. 1-14

Իւր որդւոյն համար այս իշխանաւոր
Հարսանիք ըլլաւ ճոխ ու փառաւոր .
Հարսանեաց կանչել հրաւիրեալներն ,
Խրկեց արտօրնօք իրեն ծառաներն :
Ամէն բան պատրաստ , պատրաստ է ընթրիք
Ամէն բան պատրաստ , եկէք հարսանիք .
Հրաւերն մերժեցին , գործերնին գացին
Ումանք ծառաներն իսկ վռնտեցին .
Ուստի իշխանը խիստ բարկանալով ,
Բոլորն ալ պատժեց այլեւայլ կերպով .
Նորէն ծառաներն խրկեց որ ելլեն
Դէմերնին ելածն առնեն ներա բերմն
Հարսանեաց պրահ շուտով լեցուեցաւ
Եւ իշխանաւորն փառօք ներա մտաւ :
Բայց ի՞նչ նշմարէ , հոն մարդ մ'է նստած ,
Աղտոտ , ցնցոտի հանդերձներ հագած .

Ներս մոտած ատեն նա չէր ընդունէր
Հարսանեաց հանդերձն որ իրեն արուելու ,
Իրեն հազուստին գոհ էր և հաւնած ,
Ուստի իշխանին տուածն էր մերժած .
Ընկեր , ի՞նչպէս հոս գալ յանդզնեցար ,
Հարսանեաց հանդերձ մինչ չընդունեցար :
Իսկոյն պապանձի մարդն ինքնահաւան
Զի չունի մի փաստ իւր պաշտպանութեան :
Իրեն տրուած էր ժամանակ յարմար ,
Պատրաստուելոյ հարսանեաց համար .
Հրաման եղաւ , եկան ծառաներ ,
Կապեցին նորա ձեռքեր և ոտքեր ,
Եւ զայն նետեցին բանան սաորաերկրեայ ,
Ուր լայ և ողբայ , կրճըտէ ակռայ :
Առակս սորվեցնէ բազումք են կոչեալք
Սակայն սակաւ են , խիստ սակաւ , ընտրեալք
Նա որ Աստուծոյ շընորհքն անարդէ ,
Զրի փրկութիւն իրմէ կը մերժէ ,
Գործէ հակառակ Տեռան կարգադրութեան ,
Պիտի կորառի միշտ և յաւիտեան :

ՏԱՍՆ ԿՈՒՍԱՆՔ

Մատք. Իթ. 1-13

Գիշեր է խաւար , լապտերք ի ձեռին ,
Տասը կոյսերը կը պատրաստուին ,

Փեսան ընդունել, ընդ առաջ երթալ,
Զայն դիմաւորել հետն հարսնիք մտնալ։
Անոնցմէ հինգը էին իմաստուն,
Եւ լապտերներնին ձէթով էր լեցուն,
Նաեւ հետերնին զատ ամաններով
Զէթ էին առած իմաստութիւնով։
Իսկ միւս հինգը շատ յիմար էին,
Լապտերաց մէջի. ձէթն բաւ սեպէին։
Փեսան ուշացաւ, ամէնքն թմրեցան,
Եւ անհոգութեամբ տասն ալ քնացան.
Ի կէս գեշերի յանկարծ եղաւ ձայն.
Ընդ առաջ ելէք, օ՞ն, կուգայ փեսան.
Կոյսերն կ'արթննան, շտկեն լապտերներ,
Իմաստուններուն դիմեն յիմարներ.
Ո՞հ, տուէք մեզի քիչ մը ձեր եղին,
Զի մեր լապտերներ մարելու մօտ են,
Ոչ, ըսին նոքա. ոչ, անհնար է,
Մեր եղն ձեղ և մեղ դուցէ չբաւէ։
Ինչո՞ւ կեցեր էք, շուտավ վազեցէք,
Ծախողին գացէք և ձէթ գնեցէք։
Յիմարք անսացին նոցա խըրատին
Եւ արտորալով գնելու գացին.
Դեռ ետ չդարձած, ո՞հ, փեսան եկաւ,
Պատրաստք ներս մոտան, դուռը գոցուեցաւ.
Յիմար կոյսք եկան. նոցա ձայն լսուէր. —
«Տէր, Տէր, բաց մեզի, բաց մեզի ով Տէր»

Իսկ փեսան ներսէն բարձրաձայն կ'ըսէր. —
«Ճշմարիտ կ'ըսեմ ձեղ չեմ ճանաչէր ։»
Ո՞հ թէ ամէնքս ալ միշտ արթուն կենանք
Տեառըն գալստեան միշտ պատրաստ ըլլանք.
Չըլայ որ երբ գայ անպատրաստ լինինք,
Եւ երկնից փառքէն յաւէրժ զրկուինք։

ՑԱՆՑՆԵԱԼ ՏԱՂԱՆԴՆԵՐ

Մատք. ԽԵ. 14-30

Օտար մի երկիր գացող տէրն կանչեց
Իրեն ծառաներն, և անոնց յանձնեց,
Մէկուն հինգ տաղանդ և երկուք մէկուն,
Ուրիշի մ'ալ մէկ, ըսաւ ամէնուն.
«Ահա ամէնուգ, ըստ կարողութեան
Յանձնեցի տաղանդ, եղէք ժրաշան,
Զի օր մը դարձեալ ձեզի պիտի գամ,
Եւ ամէն մէկուգ հետ հաշիւ տեսնամ։»
Հինգ տաղանդ առնողն անով գործ տեսաւ,
Եւ անոր վրայ հինգ եւս շահեցաւ.
Նոյնպէս և երկուք առնողը գործեց,
Ընդունած տաղանդը կրկնապատկեց.
Իսկ նա որ առած էր լոկ մէկ տաղանդ,
Գետինը փորեց, ծածկեց զիւր աւանդ։
Հասաւ ժամանակ, տէրն վերադարձաւ,
Եւ ծառայից հետ հաշիւի նստաւ.

Առաջինն եկաւ իր հինգ տաղանդով,
Հինգ ալ շահած էր ջանքով գործելով,
Երկուք առնողն ալ բերաւ ցոյց տուաւ
Ուրիշ երկուք ալ, զորս ինք շահեցաւ.
Ուրախութիւնով Տէրն ըստ, «ապրիք,
Ապրիք դուք ծառայքդ իմ յոյժ սիրելիք:
Դուք հաւատարիմ քիչն մէջ եղաք
Մեծ վարձատրութիւն պիտի ստանաք.
Չեղ շատ բաներու վրայ կեցունեմ
Իմ ուրախութեան զճեղ կընդունեմ»:
Մէկ տաղանդ առնող ծառան ալ կուգայ
Որ իւր աւանդին հաշիւն աէրոջ տայ.
«Գետինն փորեցի, տաղանդն պահեցի
Ոռ քուկըդ քեղի, հաշիւն մաքրուի»:
«Ոչ, ոչ, չէ այդպէս», ըսէ տէրն նմա,
«Դիւրաւ չեմ թողուդ քեղ չար, ծոյլ, ծառայ,
Եթէ գիտէիր թէ ես խիստ մարդ եմ
Եւ վերջին լուման իսկ կը պահանջեմ,
Ինչո՞ւ չտուիր սեղանաւորին
Որ գոնէ առնեմ շահը դրամին».
Եւ հրամայէ որ տաղանդն առնեն
Տասն ոննեցողին ձեռաց մէջ դնեն.
Իսկ գուրսի խաւարն հանեն ծոյլ ծառան
Եւ հսն լայ, ողբայ, կրծքաէ ակռան:
Պարսիմք գործածել ամէն պարզեւներ,
Զորս Աստուած մեզի տուաւ իբր նուէր.

Հաւատարմութեամբ զայնո բանեցնենք,
Գործենք անսնցմով և շահեցնենք,
Մեծ պիտի ըլլայ մեր վարձատրութիւն
Եթէ ցոյց կուտանք հաւատարմութիւն:
Իսկ նա որ զիւլ կեանք անցնէ յաշխարհի,
Ծոյլ, անդործ, անհոդ, առանց օգուտի:
Պիտի պատժուի երկնաւոր Հօրմէն
Եւ իսպառ զրկուի երկնային փառքէն:

ԱՃՈՂ ՍԵՐՄԸ

Մարկ. Դ. 26-29

Մարդ մը հողին մէջ սերմը կը ձգէ,
Կատարէ զիւր պարտ ու երթայ ննջէ,
Զի ցանել, զրել է գործ մարդկային
Իսկ աճեցունել գործ Աստուածային:
Սերմը կը բունի, աճի և մեծնայ,
Ինք չգիտեր թէ սա ինչպէս կ'ըլլայ.
Հողը խոտ և հասկ կուտայ ինքնիրեն,
Եւ ապա հասկին մէջ լեցուն ցորեն.
Պտուղն հասուննայ, մանդաղը խրկէ,
Եւ առատ հոնձք մը համբարն հաւարէ:
Այսպէս Աստուածոյ գործն է յաշխարհի,
Մեծնայ, զարդանայ օր քան զօր աճի.
Երբ մենք զարմանանք թէ ինչպէս կ'ըլլայ,
Նա յարատեէ և պտուղ կուտայ:

ԿԱՐԿՏԱՆ ԵՒ ՏԻԿ

Ղուկ. Ե. 36-39

Հին հանդերձին վրայ նոր լաթի կտոր
Կարկըտուք դնել չընէր հանդերձն նոր,
Նորը հինին հետ չմիաբանիր
Պատուացքն կ'ընէ աւելի զաղիր :
Հին տիկի մէջ թէ գնես նոր գինի,
Տիկը կը պատոի, գինին կորնջի,
Նոր գինւոյ համար պէտք են նոր տիկեր,
Երկուքն ալ պահուին երկար տարիներ :
Այս երկու առակ ցուցընեն յայտնի,
Ուղիղ և սխալ նորոգում սրտի .
Երբ սիրտը հին է, չար ու խաբերայ
Սրտաքին ձևէն բնչ օգուտ ելլայ .
Իսկ երբ սիրտն է լաւ, բարի, նորոգեալ
Արտաքուստ պարտինք այնպէս ալ ըլլալ :

ԵՐԿՈՒ ՊԱՐՏԱԿԱՆ Ք

Ղուկ. Ե. 41-43

Երկու մարդ մ'էկու մ'էին պարտական,
Մին հինգ հարիւր, մին յիսուն դահեկան .
Բայց պարտքն վճարել անկարող էին,
Բարի մարդ չնորհեց պարտքը երկուքին .
Երկուքն ալ սիրեն իրենց բարերար,
Իրենց ցոյց տրուած չնորհաց համար .

Բայց մին աւելի քան թէ իւր ընկեր
Զի իրեն պարտքը աւելի մեծ էր :
Մէր առ Տէր Յիսուս է ստոյգ նշան,
Մերին բազմաթիւ մեղաց թողութեան .
Նա որ չը սիրէր զՃէրըն Յիսուս,
Ի մեղաց ապրի թշուառ և անյոյս :

ՈՂՈՐՄԱԾ ՍԱՄԱՐԱՑԻՆ

Ղուկ. Ձ. 25-37

Երուսաղէմէն դէպի Երիքով,
Ճամբորդէր մի մարդ հանդարտ, անխոռով .
Յանկարծ աւազակք զնա պաշարեն,
Եւ մերկացունեն ու կը կողոպտեն,
Վիրաւորեն զայն, խեղճ ողորմելին,
Կիսամեռ թողուն, ձգեն ու փախչին .
Տեառն մի քահանայ Երուսաղէմէն,
Անշուշտ տաճարին սուրբ պաշտամունքէն,
Այն աեղէն կ'անցնի, կանգ կ'առնէ յանկարծ,
Եւ ողորմելին տեսած չտեսած,
Երեան գարձնէ, քայլերն կը փոխէ,
Անդիի կողմէն կ'անցնի կը վազէ :
Յետոյ Նեւտացի մը հոն հասնելով,
Աստուծոյ տունէն վերադառնալով,
Աչքերը կ'ուղղէ թշուառին վրայ,
Անդիի կողմէն կ'անցնի ու կերթայ :

Մի ճանապարհորդ այր Սամարացի,
Որ ճիշդ այն պահուն անտեղէն անցնի,
Կիսամեռ մարդուն քով կը մօտենայ,
Զանի տեսնելով սիրաը կը խղճայ.
Նուտով վար իջնէ իւր հեծած ձիէն,
Հանէ ձէթ, գինի իւր պայուսակէն,
Զայնս անոր վիրաց վրայ կը թափէ,
Եւ գդուշութեամբ վէրքերն կը փաթթէ.
Յետոյ զայն դնէ իւր ձիուն վրայ,
Ինքն ալ խնամով քոմիս ի վեր երթայ:
Համին մի պանդոկ, սենեակ մը փարձէ,
Եւ վիրաւորեալն անդ կը դարմանէ.
Հետեւեալ օրը դեռ ճամբայ չեւած,
Պանդոկապետին է հիւանդն յանձնած.
Երկու դահեկան ալ կը վճարէ,
Եւ համակրութեամբ նմա պատուիրէ.
«Հոգ տար դու ասոր և ի՞նչ որ ծախսես
Ի վիրադարձիս պիտի ընդունես»:
Դու, դու ալ դնա՛ և այնպէս ըրէ
Երբ քու ընկերըդ քեզի կարօտ է.
Ցոյց ողորմութիւն դու կարօտելոց
Սրբէ արտասուր հէդ վշտացելոց:
Զգէ քահանան, թնդ տուր Ղեւտային
Օրինակդ ըլլայ այլն Սամարացին.
Օն, դնա՛ և դու ալ այնպէս ըրէ
Օգնէ ընկերիդ որ քեզ կարօտ է:

ԹԱԽԱՆՉՈՂ ԲԱՐԵԿԱՄԸ
Ղուկ. ԺԱ. 5-8

Ի կէս գիշերի դուռը զարմուի
Եւ պատուհանէն անդ մարդ մը տեսնուի,
Բարեկամ, ըսէ սա ձայնիւ մարած,
Բարեկամն ճամբէն ինծի է եկած,
Անօթի է նա չունիմ կերակուր,
Կ'աղաշեմ ինծի երեք հաց փոխ տուր.
Հարկաւ չբանար նա զպատուհան
Անտարբերութեամբ տար սա պատասխան,
Զիս մի յոգնեցներ, դուռը է գոցուած
Տղայքս ինծի հետ անկողին մտած.
Ոչ, ինձ չէ հնար ելլել, վար իջնալ
Եւ քեզի երեք նկանակ ալ տալ:
Բարեկամութեան համար թէ չի տայ
Վասն թախանձանաց ամէն բան կ'ըլլայ.
Ես ալ ըսեմ ձեզ, ըսէ Տէր Յիսուս
Դուք ալ խնդրեցէք, մի ըլլաք անյոյս.
Պիտի ընդունիք, զարկէք և բացուի,
Զոր ինչ փնտըռէք, պիտի գտնուի.
Զի ան որ խնդրէ, փնտէ ու զարնէ
Արժան պատասխանն պիտի ընդունէ.
Զի Աստուած բնաւ չէ մի անդութ հայր
Որ իւր զաւակաց տայ հացի տեղ քար,
Փոխանակ ձկան՝ օձ մի թունաւոր
Եւ հաւկիթի տեղ կարիճ ահաւոր:

Եւ եթէ պատրաստ են տալու չարեր
Իրենց զաւակաց բարի ընծաներ,
Որքան աւելի հայրըն մեր գթած
Սուլբ Հոգին կուտայ իրմէ խնդրողաց։

ՀԱՐՈՒՏ ԱՆՄԻՏԸ

Ղուկ. ԺԲ. 16-21

Հարուստ մի մարդոյ բազմաթիւ արտեր
Խիստ առաստ և ճոխ բերքեր կը բերէր .
Ուստի կը խորհիք թէ ո՞ւր և ի՞նչպէս
Պահեր իւր բերքեր ապահովապէս .
Աս ընեմ ըստաւ, ամբալներս քակեմ
Անոնցմէ այլ եւս մեծերը շինեմ,
Անդ կը հաւաքեմ բոլոր իմ բերքերս
Անդ ժողուեմ պահեմ բոլոր բարիքներս .
Եւ ուրախութեամբ ըսեմ իմ անձիս,
Ով անձ իմ բազում բարիքներ ունիս .
Շատ տարիներու համար բաւական,
Հանդչէ, կեր, խմէ առանց նեղութեան .
Հաղիւ թէ իր խօսք բերնէն դուրս ելաւ,
Աստուծոյ ահեղ վճիռն լսուեցաւ,
Ով անմիտ, հոգիդ պիտի պահանջեմ,
Այս գիշեր զքեղ յաշխարհէ կանչեմ
Արդ որո՞յ պիտի ըլլան բարիքներ
Զորս պատրաստեցին քու աշխոյժ ձեռքեր,

Այսպէս են նորա որ գանձեր դիզեն
Բայց անմահ հոգւոյ համար անհոգ են .
Միմիայն խորհին որ հարստանան
Հոգւոյ փրկութեան անտարբեր կ'ըլլան :

ՃԱՆԱՋԱՆ ՇԱՌԱՅՔ

Ղուկ. ԺԲ. 35-48

Հարանիք մը կայ, տէրն դեռ չգացած
Իւր ծառաներուն է հրամայած,
Որ պատրաստ ըլլան և արթուն կենան
Երբ վերադառնայ իսկոյն դուռն բանան .
Ոմանք ծառայից հաւատարմութեամբ
Սպասեն տեառն մեծաւ արթնութեամբ .
Նա ի գալստեան զայնս արթուն դտնէ
Եւ առատութեամբ զայնս կը վարձատրէ .
Կան ծառայք որք երբ տէրը ուշանայ
Իրենց սպասած ժամուն չդառնայ ,
Սկսին ուտել, խմել, գինովսալ ,
Ծեծել, ծեծկուիլ, անառականալ .
Ցանկարծ դուռն զարնեն, տէրը ներս մտնայ
Ծառայից վիճակ ահուելի կ'ըլլայ .
Կըրք մէջտեղէն, պատժէ չարաչար ,
Անհոգ, անպատրաստ ծառաներն թշուառ
Հաւատարմութիւն յետոյ արթնութիւն
Է Քրիստոնէին պարտականութիւն .

Զի Որդին Մարդոյ դայ այնպէս ատեն
Որ մարդիկ երբէք ակնկալած չեն։
Նա որ լաւ գիտէ իւր տէրոջը կամք
Զայն կատարելու շընէր ճիգ ու ջանք,
Ծանըր պատիմներ պիտի ընդունէ,
Նա տէրոջմէն շատ ծեծ պիտի ուտէ։
Նա որ չգիտեր և կընէ մի բան
Որ է ապօրէն և ծեծի արժան,
Անոր պատիմը քիչ պիտի ըլլայ
Զի աշառութիւն Տէրոջ քով չկայ։

ԱՆԴՏՈՒԴ ԹՁԵՆԻՆ

Ղուկ. ԺԳ. 6-9

Մարդ մը այգւոյն մէջ թզենի մ'ունէր
Կուգար անոր վրայ պտուղ փնտուէր,
Կ'երթար և կուգար պտուղ չէր դտնար
Ամէն անդամին ձեռնունայն դառնար։
Ի վերջոյ ըսաւ նա այգեպանին
«Կտրէ անպտուղ անպետ թզենին,
Երեք տարի է որ ի զուր կուգամ
Եւ պտուղ չառած կը վերադառնամ,
Ինչո՞ւ համար սա երկիրն խաբանէ
Ուրիշ ծառերուն զսաս պատճառէ
Բարի այգեպանն ըսաւ մեղմ ձայնով.
«Տէր, գթա՛ ծառին, ողորմութիւնով։

Միայն այս տարի դարձեալ համբերէ
Գուցէ գալ տարի լաւ պտուղ բերէ։
Քանզի ես պիտի անոր շուրջ փորեմ
Եւ զօրացուցիչ աղբ հոն լեցունեմ,
Եթէ տայ պտուղ հարկաւ կը ձգես
Բայց եթէ չտայ յայնժամ կը կտրես։
Մենք ենք թզենին՝ աշխարհն է այգի
Տէրն մեղմէ պտուղ առնել փափաքի։
Քանի՛ տարիներ Աստուած սպասէ
Որ մեղմէ բարի պտուղներ առնէ,
Կ'անցընենք մեր կեանք չար, անապաշխար,
Խօսքով, խորհուրդով, գործով ալ վատթար։
Տեառն համբերութիւն ուստի կը հատնի
Հրաման ընէ որ ծառն կտրուի։
Բայց բարի Յիսուս բարեխօս միակ
Վասն մեր աղաչէ առ Հայր շարունակ։
Տարի մ'ալ ձգէ, տուր պատեհութիւն
Որ ընէ զղում, ապաշխարութիւն։
Սակայն եթէ այս առիթն եւս մերժենք
Ապաշխարութեան պտուղ չբերենք։
Աւաղ, շուտ պիտի համնի մեր վախճան
Դժոխվը ձգուինք, այրինք յաւիտեան։

ՄԵԾ ԸՆԹՐԻՔԸ

Ղուկ. ԺԴ. 16-24

Մեծ ընթրիք մ'ըրաւ այր ազնուական
Շատերն հրաւիրեց որ զայն վայել դան,
Խրկեց ծառան որ հրաւիրելոց ըսէ .
«Եկէք, ամէն բան արդէն պատրաստ է»:
Ամէքը մէկանց սկսան ետ քաշուիլ
Եւ իրենց տեղէն երբէք չշարժիլ .
Առաջինն ըսաւ . «արտս պարտիմ երթալ
Ուստի կաղաչեմ կալ զիս հրաժարեալ»:
Միւսը ըսաւ . «հինգ զոյգ եղ առի
Կ'ուզեմ փորձել թէ արդեօք լաւ ըրի»,
Ուստի ինձ պէտք է անոնց քով մնալ
Կաղաչեմ քեղի, կալ զիս հրաժարեալ»:
Մին ըսաւ . «դեռ նոր եմ ամուսնացեալ
Ուստի կաղաչեմ կալ զիս հրաժարեալ»:
Ծառան յուսահատ եկաւ ու պատմեց
Զոր ինչ նա ցարօք տեսաւ ու լսեց .
Տէրը բարկութեամբ ըսաւ ծառային
Որ ելլէ շուտով հրապարակ քաղքին,
Ներս բերէ կաղեր, կոյրեր, աղքատներ,
Թշուառ եւ անոք պակասաւորներ .
Ծառան ալ զնաց կատարեց պատուէրն
Եւ ըսաւ թէ դեռ տեղ կայ սրահներն .
Տէրը պատուիրեց որ ցանդերն երթայ
Եւ ճամբաները զով որ կը տեսնայ ,

Ստիպէ որ շուտ ընթրեաց տունը դան
Եւ հայկերոյթին մասնակից ըլլան :
Տունը լեցուեցաւ, ընթրիքն սկսաւ
Իւրաքանչիւր հիւր լաւ մը կշոացաւ .
Նախկին հրաւիրեալք դուրսը մնացին
Եւ այս ընթրիքին համը իսկ չառին :
Տէրն է պատրաստած ընթրիքն վրկութեան,
Հրաւէր է խրկած համայն մարդկութեան,
Նոքա որ ունին միոք աշխարհային
Ունայն, անցաւոր բաներու փակչին,
Մերժեն այս հրաւէր, ճամբեն ծառաներ
Քանզի բարքերնին է աշխարհասէր :
Անոնք կը մընան զուրկ վրկութենէ
Քանզի հրաւէրն մերժեն իրենցմէ .
Համն իսկ չեն առներ այս մեծ ընթրիքին
Ո՞հ յաւիտեանըս պիտի կորսուին :

ՈՉԻԱՐ ԿՈՐՈՒՍԵԱԼ

Ղուկ. ԺԵ. 1-7

Հովիւ մը ունի հարիւր ոշխարհներ
Ասոնց մին թողու իւեն ընկերներ,
Անապատից մէջ հոս հոն թափառի
Եւ մոլորելով հոն կը կորսուի :
Հովիւը թողու իննուուն և ինն
Երթայ ետեւէն մէկ կորսըւածին .

Զայն կը փնտոէ մինչեւ որ գտնէ
Եւ երբ զայն գտնէ ուսաց վրայ դնէ ,
Ուրախութիւնով տունը կը դառնայ
Եւ բարեկամաց աւետիս կուտայ ,
« Օ՞ն , ուրախացէք և դուք ի սրտանց
Զի գտայ արդէն ոչխարս կորսուած » :
Յիսուս է միայն հովիւ մեր բարի
Եւ մենք ամենքըս նման ոչխարի
Հօտէն զատուեցանք և մոլորեցանք
Եւ մեղաց ճամբուն մէջ թափառեցանք :
Տէր Յիսուս Քրիստոս փնտոէ մոլորեալ
Գտնէ զայն բերէ առ Հայրն մեր Օրհնեալ .
Մեծ ուրախութիւն երկնից մէջ կըլլայ
Երբ մեղաւորը ի մեղաց դառնայ ,
Երբ ցաւի զղջայ և ապաշխարէ
Նոր կեանք անցունել հաստատ որոշէ :

ԿՈՐՈՒՍԵԱԼ ԴՐԱՄ

Ղուկ. ԺԵ. 8-10

Կին մը որ ունէր տասն դրամ պահած ,
Գտնէ որ նոցա մին է կորսուած .
Իսկոյն ճրագ մը առնէ և վառէ
Եւ տանը ամէն կողմերը կաւէ ,
Կը փնտոէ զայն մեծ ուշադրութեամբ
Ամէն կողմնայի մեծ զգուշութեամբ ,

Մինչեւ որ գտնէ կը յարատեւէ ,
Զայն գտածին պէս գրացեացն կը գոչէ .
« Կորուսած դրամն գտայ , բարեկամք ,
Եկէք , միասին արդ ուրախանամք » :
Մեղաւորի մը կորսուած հոգին ,
Մեծ արժէք ունի յաչս Օրհնեալ Փրկչին .
Միջոցք գործածէ , ամէն ջանք ընէ ,
Որ մեղաւորը իր Հօր դարձնէ .
Մեծ ուրախութիւն երկնից մէջ ըլլայ ,
Երբ մեղաւոր մը Յիսուսի հաւտայ :

ԱՆԱՌԱԿ ՈՐԴԻՆ

Ղուկ. ԺԵ. 11-32

Մէկ մարդ մը երկու որդիներ ունէր
Որոց պզտիկը իւր հօրը կըսէր ,
« Ինձ ինկած բաժինն քու ստացուածքէդ ,
Կը ինդիմ որ տաս նախ քան մահուանէդ » :
Ընդունեց ինդիմն հայրն ողորմած ,
Երկուքին բաժնեց բոլոր ունեցած :
Շատ օրեր չանցան , փոքր տղան ժողուեց
Բոլոր ունեցած և առաւ քալեց :
Նա խիստ հետաւոր երկիր մը գնաց
Ու հետեւեցաւ անառակ կենաց ,
Բոլոր ունեցածն շուտով փճացուց
Քան մը չմնաց , բոլորն ալ հատցուց .

Սաստիկ սովլ եղաւ, փորձութիւն մի նոր,
Տղան արդ եղաւ խեղճ ու չքաւոր.
Երբ թշուառութեան յետին ծայր հասաւ,
Նա քաղաքացւոց մէկուն քով մտաւ.
Սա խրկեց զնա իրեն ագարակ,
Արածել, հսկել խոզերն շարունակ։
Սնառակ որդին յոյժ կը փափաքէր
Որ անոնց կերածն իր փոր լեցունէր.
Սակայն եղջիւրէն իսկ ոչ ոք կուտար
Որ սովեալ տղան քիչ մը կշտանար։
Ինքզինքին դալով, խելքը ժողուելով
Գոջեց եղկելին յուսահատ ձայնով.
«Քանի՞ բանւորներ կան իմ հօրս տուն
Որք կերակուրով հացով են լեցուն.
Մինչդեռ սովամահ ես հոս կորնչիմ.
Ելլեմ ու երթամ առ բարի հայրն իմ
Եւ խոնարհաբար ալ իրեն ըսեմ
Մեղանչեցի, ոհ, հայր, Երկինքի դէմ.
Ո՞՛ մեղանչեցի նաև քու առջիդ
Եւ արժանի չեմ այլ կոչուիլ որդիդ.
Միայն ընդունէ զիս իրրե վարձկան
Այս է մեծ շնորհք և ինձ բաւական»։
Սնառակ որդին իւր հօրը եկաւ
Դեռ շատ հեռուէն հայրն զանի տեսաւ.
Գութը շարժեցաւ, ընդ առաջ փազեց,
Որդւոյն վիզն ինկաւ, զանի համբութեց։

Որդին ալ ըսաւ ձայնիւ լալագին
«Հայր մեղանչեցի ընդդէմ Երկինքին.
Ծանր մեղք գործեցի նաև քու առջիդ,
Եւ արժանի չեմ կոչուիլ քու որդիդ»։
Կանչեց ծառաներն հայրն անառակին
Եւ ցուցուց անոնց իր դժբախտ որդին,
Հանեցէք, ըսաւ, հանդերձ պատուական,
Առաջին հանդերձն, անդինն պատմուծանն
Որդիս սիրելի չուտ հագուեցուցէք
Բերէք մատանի և ձեռքը դրէք.
Հագուցէք անոր ընտիր կոշիկներ
Պաշտպանուին նորէն անոր մերկ ոտքեր.
Պարարտ զուարակն բերէք, մորթեցէք
Խնդանք և յնծանք, միասին ուտենք.
Մեռեալ էր որդիս, ահա ողջնցաւ,
Կորսուած էր նա և գտնուեցաւ»։
Ի՞նչ քաղցր օրինակ խրախուական
Ի՞նչ ազդու առակ ապաշխարութեան,
Ճշմարիտ զղման, դարձի, նորոգման,
Ազդու հըրաւէր մեղաց ճանաշման
Եւ Աստուածային մեղաց թողութեան,
Զրի շնորհքով եղած փրկութեան,
Ի սէր Յիսուսի ընդունելութեան,
Անճառ օրհնութեան սուրբ արքայութեան։
Անոր մեծ եղբայրն ագարակին դայ
Եւ ուրախութեանց ձայնէն զարմանայ,

Կանչէ ծառաներն պատճառն հարցնէ
Երբ բանն հասկնայ, ներս մանել չուզէ:
Իսկ հայրը բարի կ'աղաչէ անոր
Որ չխռովի այլ ըլլայ անդորր:
« Որքան տարիներ քեղի ծառայեմ
Եւ երթք խօսքէդ ես դուրս ելած չեմ.
Օր մը շտուիր ինձ ուլ մը նիհար
Որ ընկերացս հետ սիրտս ուրախանար.
Իսկ այս քու որդիդ, որ միշտ, շարունակ
Անցուցած է կեանք վատ և անառակ,
Փճացնելով բոլոր ստացուածքդ
Աւրած և կոտրած է քու մեծ համբաւդ
Պարարտ զուարակն անոր մորթեցիր
Եւ բոլոր տունը ի գրախտ փոխեցիր»:
« Որդեակ, ըսաւ հայրն, դու միշտ իմ հետս ես
Բոլոր ունեցածս քուկդ է, լաւ գիտես
Սակայն պարտ էր մեզ ցնծալ և բերկրիլ
Ի բոլոր սրտէ խնդալ և հրճուիլ.
Զի մեռած եղբայրդ այժմ ողջնցաւ
Կորսուած եղբայրդ այժմ դանուեցաւ»:

ԱՆԻՐԱԿ ՏՆՏԵՍԸ

Ղուկ. ԺԶ. 1-13

Հարուստ մարդ մը կար որ տնտես մ'ունէր
Որ անոր համար կային գանգատներ

Թէ իւր ստացուածք կը վճացունէ,
Արդ տէրը տնտեսն իրեն կը կանչէ.
« Ինչ է այս, ըսէ, զոր ես կը լսեմ,
Տնտեսութենէդ պէտք է քեզ հանեմ,
Հաշիւրդ տուր ինձ զի չես կրնար ալ
Իմ գերդաստանիս մէջ տնտես ըլլալ»:
Ի՞նչ ընեմ, ըսէ, տնտեսն յիւր մտաց
Տնտեսութիւնս առնեն ի ձեռաց
Չեմ կարող ընել հողագործութիւն
Կամաշեմ ընել մուրացկանութիւն,
Գիտեմ ընելիքս, որ երբ մերժուիմ
Պարտականներուն տուներն ընդունուիմ:
Պարտատերներն արդ, զատ, զատ, առանձին
կը կանչէ տնտեսը իրեն առջին,
Որքան պարտք ունիս, առաջնոյն ըսէ,
Լոկ հարիւր մատ ձէթ, սա պատասխանէ,
Ա՛ռ գիրըդ շուտով, պատուիրէ տնտես,
Հարիւրին տեղը լոկ յիսուն գրես.
Հարիւր քոռ ցորեն, երկրորդը պարտէր
Հարիւրը պէտք էր ութսունի փոխէր:
Զայս իմացաւ տէրն և շատ զարմացաւ
Գովեց տնտեսն զի խելքով գործ տեսաւ:
Որդիք աշխարհի, տնտեսին նման
Մեծ իմաստութեամբ կը խորհին վախճանն.
Երջանիկ ընել մարմինն յաշխարհի
Է միակ խորհուրդ ամէն անհատի.

Պարտինք ամաչել, ողքա՞ն անհոգ ենք,
Որ մեր ապագայ վիճակն խորհած չենք.
Անմահ հոգիին փրկութեան համար
Մարդիկ անհոգ են անտարբեր, յիմար ։
Բնաւ չեն խորհիր ինչ պիտի ըլլան
Երբ օր մը աշխարհս թողուն և երթան ։
Ուստի Տէր Յիսուս իւր անմահ սիրով
Մեզ կը յորդորէ այսու առակով,
Խմաստութիւնով յարաժամ խորհիլ
Ապագայ կենաց համար պատրաստուիլ
Որ երբ վախճանի մեր տնտեսութիւն
Մանենք երկնային թագաւորութիւն ։

ՄԵԾԱՏՈՒՆ ԵՒ ԱՂՔԱՏ ՂԱԶԱՐՈՍ

Ղուկ. ԺԶ. 19-31

Հարուստ մարդ մը կար որ միշտ կը հագնէր
Բեհեզ, ծիրանի և ճոխ հանդերձներ,
Կ'ուտէր, կը խմէր փառաւորապէս,
Չէր պակսէր տունէն նուագ և հանդէս ։
Եքեղ պալատան դրանը առջին
Աղքատ Ղաղարոս հեծէր լալազին .
Բոլոր մարմինը լցուած վէրքերով
Ծածկեալ մերկութիւն ցնցոտիներով,
Անօթի ծարաւ անդ կը տառապէր
Որ ճոխ սեղանէն իյնան փշրանքներ ։

Մինչ նա զայնս ժողուէր, շուներ կուգային
Խեղճ Ղաղարոսին վէրքերը լզէին ։



Այս թշուառ կենաց տուաւ մի վախճան,
Շուտով հասնելով հրեշտակըն մահուան ։
Ղաղարոս մեռաւ, հրեշտակներ եկին
Եւ Արքահամու գոգը զայն տարին,
Բայց մեծատունն ալ երկար չապրեցաւ
Վախճանը հասաւ, մեռաւ, թաղուեցաւ,
Եւ մատնուեցաւ ցաւոց դժոխքին
Ծծմբեայ լիճին, տանջանաց հուրին ։
Անդ ի տանջանաց նա աչքերն վերցուց
Հեռուէն տեսածն զինքը զարմացուց,
Տեսաւ զԱրքահամ յերկնային փառաց
Աղքատ Ղաղարոսն իր գոգը նստած ։
Ուր նա կը հանդչէր, կը միսիթարուէր
Վասն իւր տանջանաց Տէրն փառաւորէր ։

Իսկոյն հարուստը լալագին դոչէ .
« Ո՞չ Հայր Աբրահամ ինծի ողորմէ .
Խրկէ Ղազարոսն , որ մատը ջուրն թաթիւէ
Լոկ կաթիլ մը ջուր լեզուխ վրայ դնէ ,
Զի այս բոցերուն մէջ կը տանջուիմ ,
Հրոյ փռան մէջ յոյժ կը տառապիմ » :
Աբրահամ ըսաւ . « որդեակ միտքդ բեր
Որ դու ի կենացդ առիր բարիքներ
Մինչ Ղազարոսի բաժինն էր եղած
Միայն չարիքներ յաշխարհի կենաց .
Նա միմիթարուի այժմ հոս ի ցաւոց
Իսկ դու տանջուիս հոս ի դժոխոց ,
Նաև մեծ անդունդ մը կայ պատրաստած
Երկնից , դժոխոց մէջտեղ հաստատած .
Նա որ փափաքի ատկէ հոս անցնիլ
Ի զուր են ջանքեր , չէ հնար յաջողիլ » :
« Հայր , յոյժ կաղաչեմ , կրկնեց մեծատուն
Խրկէ Ղազարոս գոնէ հօրըս տուն ,
Հոն գեռ ունիմ ես հինգ անհոգ եղբայր ,
Որ ըսէ չի գան այս տանջանաց վայր » :
Աբրահամ կրկնեց . « ոչ , անոնք ունին
Մլրազան Մատեանքըն Աստուածային ,
Երբ նոցա անսան , ազատ կը մնան
Բոցէն և հորէն յաւիտենական » :
Յուսահատաբար մեծատուն կրկնէ .
« Եթէ մեռելոց մէջէն մին յառնէ ,

Երթայ , քարոզէ , սիրով կը լսեն
Եւ իրենց մեղքէն շուտ ապաշխարեն » :
« Նա որ չընդունիր Աստուծոյ պատգամ »
Որոշ մի ձայնիւ վճռեց Աբրահամ
« Երբէք չէ հնար որ նա հաւատայ
Եթէ մեռեալ մ'իսկ իրեն երեւնայ » :
Այսպէս վերջացաւ այս խօսակցութիւն
Մեծատուն անկաւ ի խոր արտամութիւն
Աւազ չզղջացաւ , ողբաց և լացաւ
Ատենն անցած էր , օգուտ մը չեղաւ :
Ոչ թէ սթափին նոքա որ միայն
Մարմինը հոգան յաշխարհիս ունայն
Անմահ հոգինին բնաւ չեն հոգար
Անհոգ են այլոց ցաւոցը համար :
Այս է ամէնուն ահուելի վախճան
Կաթիլ մի ջրոյ իսկ կարօտ ըլլան ,
Սա ևս անոնցմէ պիտի մերժուի
Բոլոր խնդիրնին պիտի չընդունուի .

ԾԱՌԱՅԻՑ ԴԻՐՔԸ

Ղուկ. ԺԷ. 7-10

Տեառն պատուէրներն երբոր կատարենք
Նորա հրամաններն երբ ի գործ դնենք
Պարտինք ծառայ ենք , ըսել , անպիտան
Լոկ ըրինք ինչ էինք պարտական :

Զի ինչպէս որ երբ մարդ մը ունենայ
 Մի երկրագործ կամ թէ հովիւ ծառայ,
 Որ վերադառնայ տեառն ագարակէն
 եւ տունը մտնէ առօրեայ դորձէն,
 Տէրն անոր չըսեր սեղանը նստիր
 Կեր կերակուրբդ արբ և կշտացիր.
 Այլ ըսէ անոր գատիդ մէջքդ կապէ
 Մինչեւ որ ուտեմ ինձի ծառայէ.
 Այնուհետեւ դու ալ կրնաս նստիլ
 Ուտել ու խմել և ապա հանգչիլ:
 Տէրն այն ծառային չնորհակալ չըլլար
 Իրեն ճշդոթեամբ ծառայելուն համար:
 Այս իրեն պարաքն է, պարտի կատարել
 եւ փոխարէնը վարձք մը չսպասել:
 Նոյնպէս նաեւ մենք ծառայք ենք ծեառն
 Հրամանն պահելու ենք միշտ պարտական
 Սա է որ մեղի մեր կեանքն պարգեւեց
 Եւ զայն մինչ ցայսօր պահեց, ինսամեց.
 Սիլով ու երախտագիտութիւնով
 Պարտինք կատարել իւր կամքը փութով:

ԱՆԻՐԱՒ ԴԱՏԱՒՈՐ

Ղուկ. Ժ. 1-8

Քաղաքի մը մէջ մի գատաւոր կար
 Սա ոչ Աստուծմէ ակնածէր վախնար

Ոչ ալ մարդոցմէ երբէք կամչնար,
 Նոյն քաղքին մէջ կար մի թշուառ այրի
 Հարստահարեալ խեղճ կին մի բարի,
 Սա գատաւորին գալով կը խնդրէր
 Որ զինք ոսովսին ձեռքէն ազատէր,
 Եւ շուտով իրեն իրաւոնք ընէր:
 Պահ մը գատաւորն ականջ չկախեց
 Եւ այրի կնոջ ինդիրը մերժեց.
 Ի վերջոյ սակայն ըսաւ ի մտաց
 ԶԱստուած թէև եմ մոռցած, ուրացած,
 Իրմէ չեմ վախնար և չեմ ակնածիր
 Եւ եմ անամօթ, մարդէ չեմ քաշուիր
 Գոնէ ձանձրոյթէն և թախանձանքէն
 Եւ ինձի տուած նեղութիւններէն
 Ինքզինքս ազատելու համար ընեմ
 Սորա իրաւոնք և զլիսէս ճամբեմ.
 Որ այլ եւս չգայ և ինձ թախանձէ
 Եւ աղաչանքովն զիս ձանձրացունէ.
 Ուշով լսեցէք Տէրըն մեր ըսաւ
 Զոր ինչ գատաւորն ըսէ անիրաւ,
 Միթէ Հայր գթած, բարի, ողորմած
 Անտարբե՞ր լինի մեր աղաչանաց,
 Մեր կարօտութեանց անթիւ գունդերուն
 Եւ ջերմ աղօթից ընտրեալներուն
 Որք գիշեր ցերեկ անդադար դոչեն
 Զայն աղաջանաց իրեն վերցնեն:


Նա անոնց ինդիրք պիտի ընդունէ
Եւ ժամանակին ալ պատասխանէ .
Ուստի չթուլնանք և չձանձրանանք
Այլ միշտ յաղօթից յարատեւ ըլլանք .
Սա է զօրութիւն հաւատացելոց
Միակ յոյս , խարիսխ , այրեաց և որբոց
Սա է յաղթութիւն և կեանք երկնային
Տեառն մեր Աստուծոյն պատին Բանալին *

ՎԵՐՁԻՆ ԴԱՏԱՍՏԱՆ

Տէր Յիսուս պիտի գայ իր մեծ փառքով
Անթիւ , անհամար հրեշտակներով
Բոլոր ազգերը պիտի հաւաքուին
Անոր ատեանին առջեւը կանգնին .
Զայնս պիտի բաժնէ ինչպէս հովիւներ
Այծերէն զատեն իրենց ոչխարներ
Ոչխարք - արդարներ - աջ կողմը կայնին
Իսկ այծերն - չարերն - ձախ կողմը շարուին .
Յայնժամ թագաւորն աջ կողմ կայնողաց
Պիտի խօսքն ուղէ ձայնիւ գերազանց .
Եկէք Հօրս օրհնածք և ժառանգեցէք
Զեղ պատրաստած փառաց մէջ մոէք .
Որ գեռ չատեղծուած անցաւոր աշխարհ
Պատրաստուած էր ամէնուդ համար ,

Զի անօթեցայ , ուտելիք տուիք ,
Երբ ծարաւեցայ ինձի խմցուցիք .
Օտար էի ես և զիս ներս առիք ,
Երբ ես մերկ էի զիս հագուեցուցիք .
Հիւանդ էի և ինձի տես եկիք ,
Բանտի մէջ էի զիս այցելեցիք :
Յայնժամ արդարներն կը պատասխանեն
Թէ այս բարիքներ երբէք ըրած չեն .
Իսկ Տէրը ըսէ , ճշմարիտ կըսեմ
Զեղ ամէնքդ վատահացունեմ .
Թէ զոր ինչ ըրիք այս պղտիկներուն ,
Իմ եղբայրներուս ստորիններուն ,
Զայնս ես նկատեմ իմ անձիս եղած
Իբր թէ ես էի կարօտ օդնութեանց .
Ապա թագաւորն ձախ կողմ դառնալով
Չարելուն ըսէ ահուելի ձայնով
Ով անիծեալներ օն մէկդի գացէք
Յաւիտենական կրակը մտէք .
Որ սատանային է պատրաստուած
Եւ անոր բաղում չար հրեշտակաց .
Զի անօթեցայ ինձ հաց շտուիք
Երբ ծարաւեցայ զիս չխմցուցիք .
Երբ էի օտար գուք զիս ներս չառիք
Երբ մերկ էի զիս հագուեցուցիք ,
Երբ հիւանդ էի զիս անտես ըրիք
Բանտի մէջ էի զիս չայցելեցիք :

Կը պատասխանեն յայնժամ ևս չարեր
Թէ իրենք զատնք երբէք չեն յիշեր
Իսկ թագաւորը կը պատասխանէ
Թէ ամէն յիշածն շատ ճշմարիտ է,
Զոր ինչ մերժեցիք ընել խղճալեաց,
Ինձի և անձիս ընել էք մերժած՝
Յաւիտենական հուրն երթան չարեր
Յաւիտենական կեանքը արդարներ :
Ուստի քանի որ յաշխարհի ապրինք
Խեղճ կարօտելոց սիրով հոգ տանինք,
Որբոց և այրեաց և կարօտելոց
Մարմնով և հոգւով կարօտեալ հոգւոց .
Զոր ինչ որ առանց մէկուն մենք ընենք
Յիսուս Քրիստոսի անձին ըրած ենք .
Մինչեւ իսկ եթէ գաւաթ մը ջուր տանք
Երկնից մէջ մեծ վարձք պիտի ստանանք :




18. Ա Ի Ա Գ Շ Ա Բ Ա Թ

I. Օ Ծ Ո Ւ Մ Ն Տ է Ր Յ Ի Ս Ո Ւ Մ Ի

Վեց օր մնացած զատկական տօնին
Դայ ի թեթանիա Յիսուս Սիմօնին .

Բորոտ Սիմօնն մինչ Անոր ճաշ կուտայ
Մեղաւոր Մարիամն ալ ներս կը մանայ
Յիսուսի գլուխն նարդոսի իւզով



Կօծէ , եւ ոտքերն լուս արցունքով
Յետոյ մազերով զայնս կը չորցունէ
Խւղին քաղցր հոտը տունը լեցունէ
Դառն տրատունջներու ոմանք ճայն բառնան
Որոց գլուխն է Մատոնիչըն Յուդան
Ինչո՞ւ այդ խղը այսպէս վատնուի
Ինչո՞ւ չի ծախուի , դրամն խեղճին տրուի .
Թողէք , ըսէ Տէր , կինն հանգիստ թողէք
Բարի գործ մ'ըրաւ զայն մի վրդովէք .
Աղքատներն յաւերժ ձեր քովը ունիք
Առիթ գայ ընել անոնց միշտ բարիք
Քիչ օրեր միայն ձեր հետ կենակցիմ
Ցոյց տուէք ինձ սէր մինչ ձեր քով գտն'իմ

Սա ի յիշատակ թաղմանս զիս օծեց
Աշխարհի առջեւ զիս յարդեց , պատուեց .
Ուստի երբ բոլոր աշխարհի վրայ
Այս Աւետարան իր ձայնը բառնայ
Սա կնոջը գործ պիտի հոջակուի
Եւ իւր յիշատակն ալ անջինջ պահուի :


2. ՄԹԻՏՔ ՏԷՐ ՅԻՍՈՒՍԻ ՅԵՐՈՒՍԱՂԵՄ

Հետեւեալ առտու լուր է տարածուած
Յիսուս Սուրբ քաղաք դալ է պատրաստուած .



Մեծ մի բաղմութիւն , արք , կանայք , մանկունք
Հաւաքեալ են անդ տեսնել Տեառն մուտք
Տեսնել , ողջունել Սրբայից Սրբան
Բարերարն խեղճին , Փրկիչն մարդկութեան

Որմաւենիի ոստեր կարուին
Գոյնզգոյն ծաղկունք եւս կը հաւաքուին .
Ընդ առաջ երթան ցնծութեան ձայնով
Հանդերձ , ոստ , ծաղիկ գետինն սփռելով
Գոչեն , Ովսաննա , Ովսաննա , զի գայ
Տէրոջ անունով Հրէից արքայ .



Եշ մը կը բերեն , Յիսուս կը հեծնէ
Եւ իբր թագաւոր Սուրբ քողաք մտնէ ,
Մարգարէն գոչէ . Ով գուստը Սիսնի
Քաջ լեր , մի վախնար , ահա գայ քեզի

Թագաւորդ խոնարհ, հեղ, բայց վառաւոր
նա է ամէնուն Տէր եւ դատաւոր,
իսկ Երուսաղէմ շարժի, դղրդայ
Ով է այս, կըսէ, որ առ մեղ կուգայ.
Փարիսեցիներն արտնջեն յուզեալ.
Քանդի ժողովաւրդ Անոր է յարեալ
Իսկոյն կը ժողուեն իրենց ընկերներ
Քահանայք, ծերեր, անշահ դպիներ
Ժողովսեր կընեն, խորհին, մատածեն
Ինչ ընեն որ Տէրն մէջտեղէն վերցնեն,
Իմանայ Յուղա նոյա նպատակ
Եւ դիմէ անոնց յայտնի համարձակ.
Չեր ձեռքը կրնամ ես զթնի մատնել
Ըսէ, բայց պէտք է վարձքըս որոշել.
Նորա խոստացան, տալ ալիմթ եր'սուն
Եւ Յուղա վնառէ մի պատեհութիւն
Որ իր խաւարին գործը կատարէ
Անձայն, անշոնջ Տէրն անոնց մատնէ :

3. ԶԱՏԿԱԿԱՆ ԸՆԹՐԻՔ


Վերջին զատկական ճաշն պատրաստելու
Քաղաք Խրկեց Տէրն աշակերտ երկու
Եւ երեկոյին տասերկուքն առած
Մտաւ վերնատուն, շքեղ զարդարուած

Սեղան բազմեցան ամենն ալ կարգաւ
Տխուր մի ձայնով Տէրն այսպէս ըստ
Յոյժ փափաքէի ձեր հետը ընթրել
Չեր հետը վերջին բաժակը խմել
Քանի որ դեռ չէ իմ ժամըս հասած
Խաչին դառն մահուան դեռ չեմ յանձնուած .
Սակայն յԱստուծոյ թագաւորութեան
Ընթրենք վերստին դարեր անվախճան :
Յայնժամ աշակերտք սկսան խոռովիլ .
Թէ ով իրենցմէ մեծ պէտք է կոչուիլ
Իսկոյն Տէր Յիսուս տուաւ մի վախճան
Անոնց վէճերուն, և հանդարտեցան
Մեծ եղողն, ըստաւ, պէտք է խոնարհել
Եւ ամէն մէկուն ծառան իսկ լինել,
Զի Տէրս, վարդապետս ծառայել եկայ,
Այսպէս անկեալին փրկութիւն եղայ .
Որ մը պիտի գայ թագաւորութիւն
Երբ ձեղ պիտի տամ ես իշխանութիւն
Եւ պիտի բազմիք հոն դուք աթոռներ
Դատել հրէից տասերկու ցեղեր :

4. ՈՏՆԱԼՈՒԱՅ

Օրն յառաջանայ, ժամը մօտենայ,
Որ Տէրն աշխարհի իր հըրաժեշտ տայ

Ելաւ ընթրիքէն , հանդերձներն հանեց ,
 Ղենջակ մը առաւ և մէջքը փաթթեց .
 Կոնքը ջուր լեցուց և ծունըր դրաւ
 Աշակերտաց ոտքն լուալ սկսաւ
 Կարդը երբ եկաւ Սիմօն Պետրոսին
 Քաշեց իր ոտքերն , ըսաւ Յիսուսին .
 Տէր չեմ թողուր որ այդ օրհնեալ ձեռքեր
 Լուան և մաքրեն իմ աղաոդ ոտքեր .
 Թէ քեզ չուամ չունիս դու բաժին
 Խնձ հետ , ըսաւ Տէր , Սիմօն Պետրոսին .
 Դու այժմս չես գիտեր զոր ինչ քեզ ընեմ ,
 Յարմար ատենին պիտի բացատրեմ :
 Պետրոս այն ատեն համակերպեցաւ
 Գլուխս , ձեռք և ոտք , տէր , լուա , ըսաւ .
 Տէրն ծառայութեան դործն երբ աւարտեց
 Բոլոր իր ըրածն անոր բացատրեց :
 Դուք զիս Վարդապետ և Տէր կը կոչէք ,
 Եւ այդպէս ալ է , ուստի լաւ կընէք .
 Ես Տէրս վարդապետս , ձեր ոտք լուացի ,
 Եւ խոնարհութեան օրինակ տուի .
 Ուստի և դուք միշտ հեղ , խոնարհ եղէք ,
 Մինչեւ միմեանց ոտքերն լուացէք .
 Այս ըսաւ Յիսուս և հառաջելով ,
 Իր մատնին յայտնեց պատառը տալով .
 Յուղա ալ երբոր պատառը առաւ ,
 Ընթրեաց սեղանէն իսկոյն հեռացաւ :



5. ՏԷՐՈՒՆԱԿԱՆ ԸՆԹՐԻՔ


Մինչդեռ ուտէին Յիսուս հաց առաւ ,
 Երկինք նայեցաւ , գոհութիւն տուաւ .
 Ապա ամենուն օրհնեալ հացն տալով
 Այսպէս խօսեցաւ անոնց նայելով .
 « Առէք և կերէք այս է մարմին իմ
 Ես ձեզի համար սիրով զոհ լինիմ ,
 Այս վեհ խորհուրդը երք որ կատարէք ,
 Միշտ իմ քաւչական մահըս յիշեցէք » :
 Յետոյ ձեռքն առաւ բաժակն գինոյ
 Նոյնպէս գոհութիւն տուաւ Աստուծոյ .
 « Առէք , խմեցէք , այս է իմ արիւն ,
 Որով ընդունիք մեղաց թողութիւն .
 Քանի անդամ որ դուք ասկէ խմէք ,
 Փրկչին քաւչական մահը պատմեցէք ,

Մինչեւ վերսափին, յիւր արքայութեան,
Կատարէք ընթրիքն սուրբ, տէրունական»։
Յետ հաղորդութեան տուաւ խրատներ
Քաջալերական յորդոր, խոստումներ .
Խօստացաւ իրենց Սուրբ Հոգին խրկել,
Եւ ճշմարտութեան զայնս առաջնորդել.
Եւ յանձնարարեց, իբր նոր պատուիրան,
Որ միմեանց հետ միշտ սէր ունենան .
Քահանայական վեհ աղօթքն մատոյց
Հաւատացելոց զօրութիւն ցուցուց
Որ է միութիւն, հաւատով, յուսով .
Մի նպատակով, խորհուրդով, սիրով .
Ծանոյց Պետրոսի որ զգուշանայ
Զի այն գիշեր զինք պիտի ուրանայ .
Փառաբանութեան երդ մը երգելով
Ելան սրահէն բոլորն ալ խումբով,
Եւ յառաջ դացին դէպի Գեթսեման,
Ուր գտնէր վախճան գործ մեր փրկչութեան .

6. ԳԵԹՍԵՄԱՆԻ ԳԻՇԵՐԸ

Անցան կեդրոնի ձոր հեղեղատէն,
Չիթենեաց լերան խիստ անտառներէն,
Հասան միասին պարտէղն Գեթսեման
Աշակերտք Փրկչին շուրջն շարուեցան .
Այս գիշեր, ըսաւ Յիսուս տիրադին
Ոչխարներն պիտի ցիր ու ցան լինին ,

Հովիւն ոչխարաց պիտի զարնուի
Եւ հօարն ամբողջ ամէն կողմ ցրուի .
Եթէ ամենքն ալ քեզ ձգեն թողուն
Կը պնդէր Պետրոս ձայնիւ վառվուն ,
Ես զքեզ երբէք չի պիտի ձգեմ,
Մինչեւ իսկ եթէ կեանքս վասնդեմ։
Հոս կեցէք, ըսաւ Յիսուս, մինչ երթամ
Հոն և աղօթեմ, ապա ձեզ դառնամ .
Սակայն դուք նաեւ ջերմ աղօթք ըրէք
Որ փորձաւթեան մէջ չիյնաք, մեղանչէք
Պետրոս Յակոբոս նաեւ Յովհաննէս ,
Հետը առնելով, ըսաւ սրաակէզ .
Հոգիս մահուան չափ տիսուր է, արտում
Քովլս մնացէք, հետս կեցէք արթուն .



Անկից հեռացաւ և ծունդը դրաւ,
Երեսին վրայ գետինը ինկաւ .

Արբա հայր , դոչեց , ոհ , քեզի համար ,
Յերկնի և յերկրի , չիք ինչ անհնար ,
Եթէ քու կամքդ է թող դաւաթս անցնի ,
Բայց չէ թէ իմ կամք այլ քուկդ թող լինի :
Աշակերտաց քով երբ վերադարձաւ
Զանոնք բոլորն ալ քնացած գտաւ .
Երկրորդ և երրորդ անդամ ալ դընաց
Եւ նոյն աղօթքը մասոյց առ Աստուած .
Ուժդին տագնապէր , սաստիկ տառապէր ,
Քրտինքն արեան հետ ճակտէն կը վազէր :
Տէրը երկինքէն իր հրեշտակը խրկեց ,
Միածին որդին յոյժ քաջալերեց .
Աղօթքէն ետեւ գայ աշակերտաց ,
Եւ դարձեալ գտնէ զանոնք քնացած .
Ո՛հ , ինչպէս ըստ , կրնաք քընանաւ ,
Մինչ Որդւոյ Մարտոյ ժամն է արդ հասեալ ,
Որ մեղաւորաց ձեռքը մատնուի ,
Արդէն մատնիչը շատ մօտ է մեզի .
Ելք , արտօրացէք , այս տեղէս երթանք ,
Եւ իմ մատնիչիս ընդ առաջ ելանք :

7. ԶԵՐԱԿԱԼՈՒՄՆ ՏԷՐ ՅԻՍՈՒՄԻ

Մինչդեռ կը խօսէր հասաւ անդ Յուղա ,
Որ զծէր Յիսուս թշնամեաց ձեռք տայ


Խումբ մը զինեալներ , սուրով և բիրով ,
Վառած ջահերով և լապտերներով ,
Դաւիթի ցեղէն առիւծն արի , քաջ ,
Անվեհեր երթայ խումբին ընդ առաջ :
Զով կը վնասոէք , հարցնէ անխոռվ ,
Ի՞նչ կուզէք բաէ , հանդարտ , մեղմ ձայնով ,
Յիսուս Վարդապետն , այն նազովրեցին ,
Այն է որ խնդրենք , պատասխանեցին :
Հանդարտ , անվեհեր , արդ Որդին Մարդկան
«Ես եմ» ըսելով , առւաւ պատասխան ,
Բոլոր զինեալ խումբն ետ ետ երթալով .
Յերկիր տապալին վախով , սարսափով .
Նորէն հարցունէ . «զով կը վնասոէք» :
Դողալով ըսին , «Յիսուսը կուզենք» :
Զեղի ըսի որ այն նազովրեցին ,
Ես ինքս եմ , ըսէ Յիսուս , ամբոխին :
Մատնիչն յայնժամ աղուէսի նման
Թեւերն տարածած գայ Փրկչին վրան
Գրկէ զՅիսուս , ուազքի , կոչելով ,
Համբուրէ զնա կեղծ , գորովանքով .
Յուղա , դոչէ , Տէր , ազդու , վեհ ձայնով ,
«Յուղա , Տէրու մատնես միթէ համբոյլով» :
Սա համբոյր սակայն էր ստոյգ նշան
Նազովրեցին ձերբակալութեան
Խումբը յարձակի նման դայլերու
Անմեղ գառին վրայ , զայն յօշտելու .

Բոնեն զՅիսուս , Պետրոս սուլմ քաշէ ,
Եւ Մաղքոսին աջ ականջն փրցունէ ,
Գթառատ Փրկիչն լոկ մի դպչելով ,
Ականջն բժշկէ հրաշալի կերպով :
Բոլոր աշակերտք ձգեն զինք , փախչին ,
Հովին զարնուի , և ոչսարք ցրուին :

8. ՏԵՐ ՅԻՍՈՒՍ ՔԱՀԱՆԱՅԱՊԵՏԻՆ ԱՌՁԵՒ

Արդ կապեն Յիսուս , տանին Աննային ,
Եւ անկէ շիտակ կայիափային .
Հոն կը հաւաքուին դպիրք և ծերեր ,
Եւ փարիսեցիք ու քահանաներ :
Քահանայապետ ըսկաւ քննել ,
Խորամանկութեամբ զայն հարցաքննել ,
Հարցուց թէ քանի՛ աշակերտ ունէր ,
Եւ թէ անոնց ի՞նչ կը վարդապետէր :
Ինչու դու ինձի զայդ կը հարցունես ,
Տէլն ըստ , պէտք է , ունկնդրաց դիմես :
Այդպէ՞ս պատասխան տաս քահանային ,
Պուաց մի ծառայ Փրկիչն երեսին ,
Ապա Յիսուսին ապտակ մ'ալ զարկաւ .
Բայց Յիսուս մեղմիւ այսպէս խօսեցաւ .
Թէ ծուռ է խօսածս պէտք է ցուցունես ,
Իսկ եթէ ուղիղ ի՞նչու կը զարնես :

Քահանայապետն հարցուց Յիսուսի .
Դո՛ւ ես կենդանի Աստուծոյ Որդի .
Դու կ'ըսես , ըստ , Աստուծոյ Որդին ,
Յայսմ հետէ պիտի ձեր աչքեր ապշին ,
Երբ տեսնէք զիս Հօրս աջ կողմը նստած ,
Եւ ամպերուն մէջ իր փառքով եկած :



Քահանայապետն վերարկուն պատռեց ,
Եւ գոչեց . ահա՛ , զԱստուծ հայհոյեց .
Ի՞նչ պէտք է մեզի այլ վկայութիւն
Ամէնքս լսեցինք իր հայհոյութիւն :
Մահապարտ է նա . մեռնելու արժան
Աղաղակեցին , Հրէայք միաձայն :

9. ՊԵՏՐՈՍԻ ՈՒՐԱՑՈՒՄԸ

Մինչ Յիսուս ներաը կը դատապարտուէր,
Դուրսը բակին մէջ Պետրոս սպասէր .
Զի ինք առանձին Փրկչին ետեւէն
Մտած էր վախով պալատին դռնէն ,
Եւ ծառայից հետ բակին մէջ նստած ,
Անհանգիստ դիտէր վախճանըն իրաց :
Գայ մի աղախին և հարցաքննէ .
Թէ աշակերտաց մին ալ ինքը չէ :
Պետրոս ուրացաւ , ըստաւ , չեմ ճանչնար ,
Դուրս ելաւ , լսեց , որ հաւն կը պուար :
Նորէն բակն մտնէ , վախով ու դողով ,
Նստի այլոց հետ վառած կրակին քով .
Այլ մի աղախին պնդէ թէ , իրաւ
Նազովրեցիին հետ Պետրոսն տեսաւ .
Պետրոս կուրանայ և երդում կընէ ,
Թէ այնպիսի անձ մը տեսած իսկ չէ .
Պահ մը անցնելով շատերն պնդեցին
Թէ աշակերտ է նազովրեցիին .
Մտել , ուրանալ , օգուտ մը չունի ,
Զի խօսուածքը իսկ Անոր նմանի :
Յայնժամ ուրացաւ , նաեւ անիծեց ,
Այն անձը երբէք չեմ ճանչցած գոչեց .
Հաւն իսկոյն երկրորդ անդամ խօսեցաւ ,
Յիսուս Պետրոսին երեսն նայեցաւ :

Պետրոս Յիսուսի ըսածը յիշեց
Եւ դուրս ելելով դառըն արտասուեց :


10. ՏԷՐ ՅԻՍՈՒՍ ՊԻՂԱՏՈՍԻՆ ԱՌՁԵՒ

Քահանայապետն մահապարտութեան
Վճիռը տուաւ Յիսուսի վրան :
Իսկոյն ծառաներն Յիսուսն բռնեցին ,
Բազում ծաղր , կատակ , նախատինք ըրին .
Թքնեն երեսը , տեղան բռունցներ ,
Երեսն կծածկեն , զարնեն ապտակներ ,
Մարդարէացիր , ոլ Քրիստոս , գոչեն ,
Որո՞նք են անոնք որք քեզի զարնեն :
Աստուծոյ Գառը բոլոր այն գիշեր ,
Կրեց ահոելի անլուր տահնակներ .
Եւ հաղիւ արեւն ծագել ըսկսաւ ,
Տէրն Պիղատոսին ատեանն հանուեցաւ :
Այժմ երբ որ տեսու այն մատնիչ Յուղան
Որ դատապարտեալ է իր Տէրն մահուան ,
Առած արծաթը ետ դարցուց նորէն ,
Չարաչար կերպով տանջեալ էր խաճէն .
Մեղայ որ անմեղ արիւն մատնեցի ,
Ըստ , և նետեց գրամը մէկդի ,
Իր վճիռն անձամբ , ձեռքովը կնքեց ,
Եւ ինքինքը ծառէ մը կախեց ,


Ուսկեց , իյնալով նա ճեղքուեցաւ ,
Բոլոր բորստիքն ալ դուրս թափեցաւ :
Պիղատոս յայնժամ քննեց , հրէաներուն
Փրկչին դէմ բերած , ամբաստանութիւն :
Հարցուց այս մարդը ինչեր է դործէր
Որոց դէմ բերէք ձեր ծանր գանդասներ :
Մի վատ չարագործ եթէ սա չըլլար ,
Հսին Հրէայք , զայն ձեռք չէինք տար .
Ուրեմն , ըստ Պիղատոս , առէք ,
Հստ ձեր օրինաց զայն դուք դատեցէք ,
Այժմ ըսկսան քահանայք , ծերեր ,
Մի առ մի բերել իրենց գանդասներ .
Մեր ժողովուրդը կ'ապստամբեցնէ ,
Կայսեր տուրք տալէ զմեղ կ'արգիլէ .
Կ'ըսէ , թէ ինքն է Քրիստոս թագաւոր ,
Երկնի եւ երկրի Տէր և դատաւոր :
Հարցուց Պիղատոս . դու թագաւո՞ր ես .
Պատասխան տուաւ Յիսուս , դու կ'ըսես .
Թագաւորութիւնս չէ աշխարհային ,
Այլ լոկ հոգեւոր և Աստուածային .
Եկած եմ աշխարհ վասն ճշմարտութեան
Ճշմարիտ եղողն միայն լսէ իմ ձայն :
Այդ ճշմարտութիւն , զոր դու քարոզես ,
Հսաւ Պիղատոս , պէտք է բացատրես
Եւ շուրջն նայելով Հրէից ըստաւ ,
Իր վրայ յանցանք չեմ գտներ բնաւ .

Ուստի Հրէայք սաստիկ կատղեցան .
Աղաղակեցին բոլորն մէկ բերան .
Ամբաստանութիւնք ըսկսան դիզել ,
Շատ մը սուտ վկայ ատեանը բերել .
Ասոնց ամենուն վկայութիւններ ,
Միմեանց չէին բնաւ համաձայներ ,
Յիսուս իր բերանն երբէք չէր բանար ,
Եւ եղած հարցյմանց պատասխան չէր տար :
Հսին Հրէայք ևս Պիղատոսի ,
Թէ Յիսուս է մի վատ Գալիլեացի .
Ասկէց Պիղատոս օգուտ քաղելով ,
Խրկեց զՅիսուս Հերովդէսի քոլ ,
Սա յոյժ բերկրեցաւ Տէրը տեսնելով ,
Իրմէ մեծ հրաշքներ տեսնելու յոյսով .
Բայց Յիսուս պահեց խատիւ լուութիւն .
Այսպէս դրդուեց նորա բարկութիւն ,
Որ նախատելով և Տէրն ծաղրելով ,
Ճերմակ հանդերձներ ալ հագցունելով ,
Խրկեց վերստին զայն Պիղատոսին ,
Եւ այսպէս երկուքն բարեկամ լինին .
Նորէն Պիղատոս Հրէից դիմէ ,
Եւ անոնց խղճին այսպէս բողոքէ .—
Ոչ ես և ոչ ալ Հերովդէս արքան ,
Յանցանք մը գըտանք այս մարդուն վրան ,
Ուստի մի պատիժ տամ և արձակեմ
Եւ այս դառն խնդիր ասովլ վերջացնեմ :

Հրէայք պահանջեն որ վասն Բարաբան
Մի խոռվարար, դող և մարդասպան,



Շուտ բանտէն հանուի, աղաս արձակուի,
Անոր տեղ Յիսուս խստիւ պատժուի :
Պիղատոսի կինն երազ մը տեսաւ
Որով սիրան, հոգին յանհունս յուզուեցաւ .
Կոչեց ամուսինն և խնդրեց իրմէն,
Որ քաշէ ձեռքերն այս արդար մարդէն :
Ուստի Պիղատոս կ'ուզէր արձակել
Յիսուս ի պատժոյ և իր տեղն խրկել .
«Ի խաչ հան զգա, ի խաչ հան զդա»,
Գոռան, որոտան Հրէայք անխնայ :
Յայնժամ Պիղատոս Յիսուսը ծեծեց
Եւ զինուորներուն ձեռքը զայն յանձնեց .
Որոնք իբր անգութ, կատաղի գայլեր
Գառին Աստուծոյ վրայ են յարձակեր :



Նախ հանդերձներէն զայն մերկացուցին,
Եւ մի ծիրանի անոր հագցուցին,
Յետոյ վշերէ պսակ ոլորելով,
Անոր գլուխը դնեն ծաղրելով .
Նաեւ եղէք մը աջ ձեռքը դնեն
Եւ անոր առջին դան և ծնրադրեն .

Գոշեն ծաղրական ձայնիւ մը նոքա . —
Ողջոյն քեզ, ով դու, Հըրէից արքայ .
Ապտակներ և թուք, և հայհոյութիւն,
Զեռաց եղէգովն հարուածներ դլսուն :
Պիղատոս կարծէ թէ այլ ևս կը բաւէ
Ուստի սրահէն նորէն դուրս ելլէ,
Ըսէ Հըրէից, տեսէք այն մարդը,
Գարձեալ չեմ գտներ վրան յանցանք մը :
Բոլոր ամբոխը աղաղակ բառնայ,
« Ի խաչ հան զդա, ի խաչ հան զդա ». .
Զեր թագաւորը ըսէ Պիղատոս
Կուղէք որ խաչը հանեմ ես զայն հոս .
Հըրէայք կը պոռան բոլորը մէկէն . —
Թագաւոր չունինք մենք բացի կայսրէն ,
Պիղատոս տեսաւ որ չկայ հնար ,
Փրկութիւն գտնել Յիսուսի համար
Զուր առաւ իրեն ձեռքերը լուաց
Ուժգին մի ձայնով հըրէից պօռաց .
« Ես այս Արդարին անմեղ արիւնէն
Սնպարտ եմ, անպարտ եւս իր մահունէն » :
Հըրէայք պօռացին . թող նորա արիւն
Գայ մերին և մեր որդւոցը դլսուն :
Յայնժամ Պիղատոս չար հըրէաներուն
Յիսուսը յանձնեց ի խաչելութիւն :
Պիղատոսի պէս քանի՛ մարդիկներ ,
Հանդարտեցուցին խղճին բողոքներ .

Գիտեն ըրածնին վատթար է ու չար
Բայց զայն ընելէն դեռ ետ չեն մնար .
Բուն իրենց հոգին մատնեն կորստեան ,
Այլոց կործանմանն ալ պատճառ կ'ըլլան :

11. ԽԱՁԵԼՈՒԹԻՒՆ ՏԷՐ ՅԻՍՈՒՍԻ Ի ԳՈՂԳՈՅԱ

Ծիրանի հանդերձն յայնժամ հանեցին ,
իր հանդերձներովն ծէրն հագուեցուցին
Դէպի Գողգոթա ճանապարհ ելան ,
Սա էր Գանկի տեղ և խաչելութեան .



Յիսուս իր խաչը անձամբ կը տանէր ,
Բայց ճամբան շատ հեղ ուժը սպառէր .
Այր կիրենացի , Սիմօն անունով ,
Որ դէպի քաղաք երթար փութալով ,

Պահակ բռնեցին որ խաչն Յիսուսի ,
Մինչեւ Գողգոթա բլուրը տանի :
Ստուար բազմութիւն արանց և կանանց ,
Լալով հետեւին Փրկչին , հեռուանց .
Յիսուս ետ դարձաւ , լսաւ , զիս մ'ողբաք ,
Դատերք Սիօնի , ինձ համար մի լաք .
Յաւէտ ողբացէք ձեր զաւակները ,
Զեղի պահեցէք ձեր արցունքները .
Քանզի թէ որ թաց փայտին այս ըրին
Ի՞նչ պիտի ըլլայ վախճան չոր փայտին :
Հասան Գողգոթա , հոն բեւեռեցին
Տէրն փայտին վրայ և խաչն կանգնեցին .
Նախ տուին իրեն լեղախառն գինի ,
Որ խաչին ցաւոց անզգայ լինի .
Սակայն Տէր Յիսուս մերժեց , զայն չառաւ ,
Մահուան ցաւերուն յօժար մատնեցաւ :
Տրուած բաժակին միուրն իսկ խմեց ,
Եւ այսպէս մահուամբ մահուան ալ յաղթեց :
Երկու չարագործք իր հետ խաչեցին ,
Մին Յիսուսի աջն և ձախ կողմն ալ մին :
Զինքը տանչողաց համար ազօթեց
Երկնաւոր Հօրմէն թողութիւն խնդրեց ,
Հայր իմ , Դու ներէ ատոնց բոլորին .
Քանզի չեն գիտեր իրենց ըրածնին :
Պիղատոս դրաւ խաչին վրայ տախտակ ,
Յա էր Յիսուսի յանցանաց ցուցակ :

Կատաղի զինուորք հանդերձքն Յիսուսին ,
Իրենց մէջերնին ճշդիւ բաժնեցին .
Անցնորդք ապերախտ դլուս շարժելով
Անլուր հայհոյանք իրեն ուղելով ,
Պոռացին , վայ քեզ որ տաճարն քակես ,
Եւ երեք աւուր մէջ զայն կանգնեցնես .
Օգնէ դու քեզի , իջիր այդ խաչէն ,
Ով Աստուածորդի , իջեալդ երկինքէն :
Նոյնպէս քահանայք , փարիսեցիներն ,
Եւ ժողովրդեան ծերերն , դպիրներն
Գոչէին , թէեւ սա այլոց օգնեց ,
Սակայն իր անձը մահէն չփրկեց .
Թէ որ Քրիստոս է և Աստուածորդի ,
Թող խաչէն իջնայ և հաւտամք պիտի :
Չարագործաց մին ալ համարձակէր
Ու Յիսուս ուղղել դառն նախատինքներ ,
Սակայն միւսը զայն յանդիմանեց .
Միթէ Աստուածէ չես վախնար , գոչեց .
Աստուած է որ մեղ այսօր կը պատժէ
Եւ մեր արդար վարձքն այժմ հատուցանէ .
Այն արդարն սակայն բան մը չէ ըրած ,
Արժանի պատժոյ և չարչարանաց :
Ապա աղօթեց ապաշխարութեամք —
Տէր յիշէ զիս երբ դաս աղքայութեամք .
Այսօր դու իմ հետս դրախտ պիտի մտնես . —
Մեղաւոր ալ ի՞նչ յուսահատեր ես :

Անկեղծ և սրտանց ապաշխարութեան
Հետեւի իսկոյն վճիռ փրկութեան :
Խաչին քով կեցած հեգ մայրն Յիսուսի ,
Ո՞հ , արտասուալից աչօք լեր նայի ,
Սիմոն Ծերունին թուր մ'էր կանխսասած ,
Սա այժմ Մարիամի սրտէն է անցած :
Մի քանի կանայք անդ կան հաւաքեալ,
Նաեւ Յովհաննէս , Տեառն սիրեցեալ .
Կին , գոչէ , Յիսուս նուազեալ ձայնով ,
Եւ որդիական խանդակաթ սիրով ,
Կին , ահա որդիդ , քեզ յանձնեմ նմա ,
Եւ զՅովհաննէսն անոր ցոյց կուտա ,
Սհա մայրդ ըսէ եւս Յովհաննէսին .
Մարիամ , Յովհաննէս մայր , որդի լինին :
Վեցերորդ տխուր ժամը կը հասնի
Սշխարհը յանկարծ խաւարով պատի ,
Սրեւ խաւարի մինչեւ ժամը ինն .
Երկինք ու երկիր սգան և տիրին .
Իններորդ ժամուն ի խոր լուռթեան
Լսուի Յիսուսի աղերսագին ձայն .
Էլի-էլի-լա-մա-սա-պաք-թանի ,
Որ թարգմանուելով այսպէս հասկցուի .
Սստուած իմ , Աստուած ինչու զիս ձգես ,
Եւ քու սուրբ երեսդ ինձմէ կը ժածկես :
Եղիան կը կանչէ , ոմանք խորհէին .
Եւ անոր դալուն ալ կըսպասէին :

Մարաւ եմ գոչեց , Տէր Յիսուս խաչէն .
Զինուորներուն մին հեռացաւ խումբէն ,
Սպոնք մը առաւ , քացախով լեցուց .
Հաղիւ թէ Յիսուս նորա համն առաւ
Գոչեց , այժմ ամէն բան կատարուեցաւ .
Եւ վերջին անգամ , ձայնիւ նուազեալ ,
Այսպէս աղօթեց առ Հայրն իւր օրհնեալ . —
Հայր իմ հոգիս քու ձեռքըդ կաւանդեմ .
— Ո՞հ ի՞նչ մահ աղդու , ի՞նչ վախճան վսեմ —
Զայս ըսելով Տէրն գլուխը ծռեց ,
Եւ իր սուրբ հոգին Աստուծոյ յանձնեց :

12. ՄԱՀՈՒԱՆ ՅԱԶՈՐԴՈՂ ՏԵՍԱՐԱՆ

Հաղիւ թէ Յիսուս հոգին աւանդեց ,
Բոլոր սուրբ քաղաքն ահ ու դող պատեց ,
Հրէից տաճարին սրբութիւն սրբոց
Կոչեալ սրահը , միշտ կը մնար գոյց
Վարագոյրով մը , մի անգամ տարին
Քահանայապետն քաւութեան տօնին
Կրնար ներս մտնել և պատարագել
Ու մեղաց համար քաւութիւն ընել :
Այն վարագոյրը վերէն սկսելով
Պատուեցաւ մինչ վար մեծ շառաչիւնով .
Բոլոր մարդկութեան մեղաց քաւութիւն
Կատարեց նոյն օր Յիսուսի արիւն .

Բարկացած Աստուած արդ հաշտուեցաւ ,
 Բաժմնող պատը իսպառ ջնջեցաւ :
 Երկիր շարժեցաւ , ժայռեր ճեղքեցան ,
 Շատ գերեզմանաց դռներն բացուեցան ,
 Ոմանք մեռելց յարութիւն առին ,
 Եւ ամէնուն սիրտ վախով լեցուցին .
 Իսկ հարիւրապետ և իր զինուորներ ,
 Դողալով տեսան բոլոր այս բաներ ,
 Իրօք արդար է այս մարդ , գոչեցին ,
 Ցիրաւի նա էր Աստուծոյ Որդին :
 Բոլոր ժողովուրդ ի զնին կեցած ,
 Կուրծքերնին ծեծեն վախցած , սալասփած ,
 Յուղեալ , գլխիկոր քաղաք կը դառնան ,
 Առանձին մնայ դարձեալ զողգոթան :
 Վերջին մի պաշտօն ունին զինուորներ
 Այն է ստուգել թէ անդ խաչեալներ
 Մարած են կամ թէ ստուգիւ մեռած .
 Ուստի գան կացին ձեռքերնին առած
 Երկու խաչելց ծունկերն կոտրեցին
 Բայց երբ որ կարգը եկաւ Յիսուսին
 Արդէն և իրօք զայն մեռած դտան
 Ուստի թողուցին և մէկ կողմ անցան .
 Զինուորներէն մին Գեղարդը խօթեց
 Եւ անով խաչեալ Փրկին կողն խոցեց
 Իսկոյն դուրս հոսեց կողէն ջուր , արիւն :
 Այս ջուր և արիւն մաքրէ աղտն հոգւոցն :

13. ԹԱՂՈՒՄՆ ՏԷՐ ՅԻՍՈՒՍԻ

Արեւն արտօրաց երկրիս հրաժեշտ տալ
 Եւ Փրկչին մարմին դեռ խաչն էր , կախեալ .
 Դայ առ Պիղատոս Արիմաթեացի
 Յովսէփին , այր հարուստ , արդար ու բարի .
 Խնդրէ տալ իրեն Յիսուսի մարմին
 Որ դընէ զնա ծոցն գերեզմանին :



Խաչին վար առնեն զմարմին ծեառն
 Շուտով կատարեն հանդէսըն օծման .
 Նիկոդէմոս ալ բերաւ համեմներ ,
 Եւ կանայք բերին մաքուր կտաներ .
 Յիսուսի մարմինն , լաղով և ողբալով ,
 Լուացին բոլորն ջերմ արտասուքով ,
 Եւ համեմներով զանի պատեցին
 Եւ կտաներու մէջը փաթթեցին :

Հոն պարտէզ մը կար փոքը ինչ հեռուն
Մէջը գերեզման ժայռէ , զարդարուն
Զայն Յովսէփ իրեն համար էր շինած ,
Որոյ մէջ երբէք մեռեալ չէր դրուած :
Յուղարկաւորաց խմբակը մեծ չէր ,
Քանի մը կանոյք երկու հարուստներ . . .
Հոն փրկչին մարմինն թաղեն , ամփոփեն ,
Եւ վրան ահագին քար մը կը դնեն :
Այս էր մի թաղում առժամանակեայ ,
Զի շաբաթն չեկած ամէն Հրէայ ,
Պարտ էր դանուիլ միշտ պատրաստ յիւր տան
Պահել օրինաց պատուէրն հանգստեան :
Ուստի և կանայք գնեցին խունկեր :
Եւ տեսակ տեսակ անուշ համեմներ .
Որ յետ շաբաթու վերսատին երթան,
Ամբողջացնեն պաշտօնն թաղման :
Հրէաներն սակայն գան , Պիղատոսէն
Իրեն զինուորաց օդնութիւնն ինդրեն ,
Զի Յիսուս ըսած է թէ երրորդ օր
Յարութիւն պիտի առնէ փառաւոր .
Հրէայք վախնան որ աշակերտք գան ,
Յիսուսի մարմինն գիշերանց գողնան .
Եւ ապա Քրիստոս յարեալ հոչակեն ,
Եւ զժողովուրդն այլ եւս մոլորցնեն .
Առին զինուորներն , գերեզման գացին ,
Պահապան դրին , քարը զմուեցին .

Հանդարտ և անխոռով քաղաքը դարձան
Նախազգչութիւնք ձեռք առնուեցան ,
Գողնալ և յառնել ալ անհնար է ,
Թող Յիսուս իսպառ շիրմին մէջ ննջէ :

14. ՅԱՐՈՒԹԻՒՆ ՏԵՐ ՅԻՍՈՒՍԻ

Մէկշաբթի առտու կանայք կանուխ գան ,
Համեմներն , խունկերն առած , գերեզման .
Ո՞վ պիտի այն մեծ քարն դլորոցունէ ,
Կ'ըսեն միմիեանց , ո՞վ մեզի օդնէ ,
Հասնին գերեզման , կանգնին շուարած ,
Քանզի արդէն քար մէկդի է գլորած .
Իշած էր յերկնից Աստուծոյ հրեշտակ ,
Դէմքով իրը փայլակ , հանդերձով ճերմակ .
Նա շրժեց երկիրն , քարն մէկդի ըրաւ ,
Եւ յաղթանակաւ անոր վրայ նստաւ ,
Իսկ պահողներն մեռելի նման ,
Վախով ու գողով ցիրուցան եղան ,
Քաղաք վազեցին զամէնն պատմեցին ,
Հրէաներն անոնց շատ դըրամ տուին ,
Որ պատմեն ամէն ուր որ ալ երթան , —
« Աշակերտք եկան մարմինը գողցան » :
Մագտաղենացի Մարիամ նախ կուգայ
Եւ գերեզմանը բացուած կը դըտնայ .

Վազէ Պետրոսին զայս իմացունէ ,
 Նա ալ Յովհաննու հետ հոն կը վազէ .
 Յովհաննէս առաջ գերեզման հասնի
 Կտաւներն տեսնէ երբ ներս կը նայի .
 Պետրոս ալ կուգայ գերեզման մտնէ ,
 Եւ ամենայն ինչ լաւ աչքէ անցնէ :
 Ի զուր է փնտուել , Յիսուսը չի կայ .
 Ուստի Յովհաննու հետ առն վերադառնայ :
 Բայց Մարիամ մինչ լայ և Տէրն կ'փնտուէ .
 Ճերմակներ հագած երկու մարդ տեսնէ
 Գերեզմանին մէջ , ոտից կողմը մին ,
 Եւ միւսը գլխին կողմը Յիսուսին .
 Որք կը հարցունեն . կին դու գովլ ովբաս ,
 Զովլ կը փնտուես , և ինչո՞ւ կուլաս .
 Տէրս գերեզմանէն առած են տարած ,
 Մագթաղինացին ըսէ խռոված .
 Ետին կը դառնայ , Յիսուսը տեսնէ ,
 Եւ զայն պարտիզպանն կարծելով , ըսէ . —
 Տէր , եթէ դու ես զայն վերցունողը ,
 Գոնէ հաճէ ինձ ցուցունել տեղը ,
 Որ երթամ զանի անկից վերցունեմ ,
 Եւ օժման դործը ի գրլուխ հանեմ .
 Վեհ ձայնիւ Յիսուս լոկ « Մարիամ » ըսաւ ,
 Եւ քաղցր ժպիտով ետին նայեցաւ .
 Բաւ էր ասիկայ Մարիամու համար ,
 « Ուարոնի » դոչեց ձայնիւ բերկրարար .

Յիսուսի ուրերն գրկեց ցնծութեամբ ,
 Եւ զայնս համբուրեց մեծ ուրախութեամբ .
 Թող զիս , հրամայեց Յիսուս , առ Մարիամ .
 Զի գեռ շատ օրեր ձեր քովլ կը մնամ .
 Գնա՛ եղբարցը իմաց տուր , շուտովլ
 Որ ես յարեալ եմ փառքովլ , պատիւովլ .
 Գնաց և պատմեց , բայց չի հաւատացին ,
 Տարակուսելովլ գլուխ շարժեցին :
 Երկու աշակերտք նոյն օրն իմմառւ
 Երթան խօսելովլ տիսուր և անյոյս ,
 Յիսուս ասոնց ալ ինքինք ճանցունէ ,
 Գիրքերն բացատրէ , սիրոք միսիթարէ .
 Իսկ երեկոյին երբոր մետասանք ,
 Հաւաքեալ էին անդ ի վերնատան ,
 Յիսուս ներս մտաւ , ձեռք և կողն ցուցուց ,
 Իբր իր յարութեան ստոյդ ապացոյց ,
 Պարզեւեց անսնց իր խաղաղութիւն ,
 Նաեւ թանկագին պարդեւն Սուրբ Հոգւոյն :
 Թովմաս ներկայ չէր անսնց հետ սակայն ,
 Ուստի երբ լսեց յարութիւն Տեառն
 Գոչեց մինչեւ որ աչօքս չտեսնեմ ,
 Եւ ձեռօքս վերքերն լաւ մը չքննեմ ,
 Տէր առած լուրին չեմ հաւատար բնաւ ,
 Եւ պնդեմ թէ Տէրն յարութիւն չառաւ :
 Ութ օրէն ետեւ աշակերտք համայն
 Վերնատան մէջը նորէն հաւքեցան .

Խաղաղութիւն ձեզ, դոչեց Տէրն յանկարծ,
Աշակերտներուն խումբին մէջ կանգնած .
Տէրն յետոյ դէպի Թովմասին դարձաւ,
Մատըդ բեր, քըննէ ձեռքերըս, ըստ .
Տես տեղն բեւեռաց և կող իմ խոցեալ,
Մ'ըլլար անհաւատ այլ հաւատացեալ :
Տէր իմ Աստուած իմ, Թովմաս արդ դոչեց,
Եւ երես անկեալ Տէրն երկրպադեց :
Դու, ըստ . Յիսուս, տեսալ, հաւատացիր
Երանի անոր որ բնաւ չերկրայիր
Թէեւ աչքերով տեսած ալ չըլլայ ,
Բայց հաւատոյ մէջ հաստատ կը մնայ :

15. ՀԱՄԲԱՐՁՈՒՄ ՏԷՐ ՅԻՍՈՒՍ

Աշակերտաց հետ քառասուն օրեր
Մինչեւ համբարձում Յիսուս կենակցէր .
Տարբեր կերպերով զինք անոնց յայտնեց
Եւ անոնց հաւատք իր վրայ հաստատեց :
Օր մը Տիբերիոյ ծովուն եղերքը
Անձանաչ կերպով կանգնած էր ինքը .
Ամբողջ գիշերը իր աշակերտներ ,
Թէեւ աշխատին նետեն ուռկաններ ,
Բայց մէկ ձուկ բոնել չէին յաջողած
Եւ կեցած էին խիստ յուսահատած :

Ուստելիք ունիք, տղայք, հարցուց տէր ,
Պատասխանեցին , ոչ . աշակերտներ .
Նաւին աջակողմ ուռկանն նետեցէք ,
Եւ առատ մի որս պիտի դուք ընէք :
Այսպէս ալ եղաւ , ուռկանն ձգուեցաւ
Որ խոշոր ձուկով լեփ լեցուն եղաւ ,
Յայնժամ Յովշաննէս ըստ . Պետրոսին ,
Սնիկա Տէրն է , ձայնով ինդադին .
Պետրոս ամաչեց ու ծով նետուեցաւ .
Ուռկանը գժուարաւ ցամաք հանուեցաւ :
Յիսուսի շուրջը բոլորն բազմեցան ,
Զուկերն եփելով ճաշի ըսկան .
Երբ ճաշն վերջացաւ Յիսուս Պետրոսին
Ուղեց իր խօսքը կրկին և կրկին . —
Որդի Յովշանու Սիմօն զիս սիրե՞ս ,
Այ՞ , Տէր սիրեմ քեզ, դուն ալ դիտես ,
Պատասխան տուաւ . Պետրոս ցած ձայնով
Եռեակ ուրացում ցաւօք յիշելով .
Տէրն ալ, արածէ , ըստ . ոչիսրներս ,
Իմ փոքրիկ՝ սիրուն անմեղ գառնուկներս :
Երեք անդամ Տէր նոյն հարցում կրկնեց ,
Եւ նոյն պատասխան Պետրոսէն լսեց .
Ի վերջոյ Պետրոս մնաց շուարած ,
Վախնալով որ Տէրն վրան ունի կասկած ,
Բայց Յիսուս յայտնեց Պետրոսի վախճանն ,
Ցոյց տուաւ թէ ի՞նչ չարաշար մահուան

Պետրոս իր անձը պիտի նուիրէր
 Եւ այսպէս ցոյց տար թէ Տէլն կը սիրէր :
 Առանց այս սիրոյ չէ հնար ըլլալ
 Քարոզիչ բաննին և Տեառն առաքեալ :
 Ուրիշ անդամ ալ Յիսուս ժողովեր
 Ի մի վայր բոլոր իր աշակերտներ .
 Կրկնէր խոստումներն Սուրբ Հոգւոյ հեղմանն ,
 Փառաւոր յայսերն կրկին գալստեան .
 Եւ Երուսաղէմ կուզէր որ կենան
 Մինչեւ իր խօստման կատարումն տեսնան :
 Յետ իւր յարութեան քառասուներորդ օր
 Ժողովեց աշակերտ , ելաւ լեռն Թափոր .
 Հոն անոնց վերջին խօսքերը ըստ
 Այս վերջին պատուէրն հոն անոնց տուաւ .
 « Ինծի է արուած ամէն զօրութիւն ,
 Երկնի և երկրի վրայ իշխանութիւն .
 Ուրեմն՝ գացէք , աշխարհն համայն ,
 Եւ քարոզեցէք Սուրբ Աւետարան ,
 Աշխարհիս բոլոր արարածներուն
 Ազգաց և լեզուաց , բոլոր ցեղերուն .
 Յանուն Հօր , Որդւոյ և Հոգւոյն Սրբոյ
 Զայնս մկրտեցէք , բերէք Աստուծոյ .
 Թող ձեր սրտերը բընաւ չի վախնան ,
 Զի ահա ես ձեզի հետ եմ յակտեան ,
 Մինչեւ աշխարհի վերջը ձեր հետ եմ
 Եղ առաջնորդեմ , պահեմ և օրհնեմ » :

Ապա տարածեց իր օրհնեալ ձեռքեր ,
 Եւ օրհնեց բոլոր իր աշակերտներ .
 Յետոյ անոնցմէ իսկոյն զատուեցաւ
 Եւ դէպի երկինք Հօրը քով ելաւ :
 Աշակերտք դարձան ուրախութիւնով
 Դէպի Սուրբ քաղաքն Աստուծ օրհնելով :

* * *

Իր Հօրը աչ կողմ Յիսուս արդ բազմած ,
 Միջնորդ , բալեխօս է մեղաւորաց .
 Պիտի գայ աշխարհ նորէն մեծ փառքով ,
 Անթիւ , անհամար սուրբ հրեշտակներով .
 Հաւատացեալներն երկինք տանելու
 Իսկ անհաւատներն դժոխք խրկելու :
 Այս օրն ահաւոր ո՞ւր պիտի ըլլան
 Անոնք որ այսօր դրբոյկս կը կարգան .
 Ո՞չ թէ այս տողերն առաջնորդէին ,
 Բոլորս զղումով դիմել Յիսուսին .
 Հաւատալ անոր եւ կեանի ստանալ
 Օրեամբ Յիսուսի , Գողգոթան հեղեալ ,
 Այս է նպատակ բոլոր Սուրբ Գրին
 Այս է նպատակ նաեւ այս տետրին :

Ա. Խ. Բ. Զ.



ՅԱՆԿ ՏՊԱԳՐԱԿԱՆ ՍԻԱԼՆԵՐՈՒ

Լոկ միտք չփոթող մի քանի սխալներ կան հոս նշանակեալ . կը խնդրուի նախ ուղղել եւ տպա կարգալ գիրքը :

Երես	Կարգ	Սիալ	Ուղիղ
2	5	իր	ի
8	5	տեղ	տեղը
9	10	իւր	(հանէ)
16	11	փառքը	իր փառքը
16	19	անդ	անդ նա
20	6	բերին	բերեն
20	11	Բեթհելուայի,	Բեթհեղդայի
22	10	Եփիփեթա	Եփիփաթա
23	7	դեւաց	դիւաց
25	16	Բիւթանիա ,	Բեթանիա ,
36	14	ցլուման	լուման
49	2	անդ	(հանէ)
50	6	կը բերէր ,	բերէին բերքեր
61	16	մատ	մար
64	3	մատը	մատն
65	9	զղջացաւ	զղջացաւ
65	22	ինչ	զոր ինչ
68	20	պատրաստած	պատրաստուած
70	13	առանց	ասոնց
74	18	անշունջ	անշունջ
78	19	ձոր	չոր
78	20	լսիստ	լսիստ

ՄԱՅՐԻԿԻՆ ԱՌԱՋՆՈՐԴԸ

Թարգ. Գ. ՊԱՊԱԽՈՎԻՆ

Գին 5 ՂԲՆ.

ԲՈՎԱՆԴԱԿՈՒԹԻՒՆ

Ծնունդ. — Երախային առաջին լրւացումը. — Պորտին լարը. — Երախային արդուզարդը. — Երախային զլխոն ձեւը. — Նրաղեան նորածինք. — Տկարածին երախայք. — Կաթ ունեցող երախայք. — Որբանը. — Զեռուցիչք. — Որորել. — Քոն. — Երախային լացը. — Մայրական կաթ. — Անձամբ մնուցանելու օգուտը. — Անձամբ մնուցանելու արգելքներն. — Մնուցման մէջ երախային յարուցած արգելքները. — Երախայի հարրուխը. — Պէտք չէ միշտ մայրը անձամբ մնուցանէ. — Մնուցման ատեն դիպուածք. — Մնուցանելու նախապատրաստութիւնք. — Կաթին քանակը եւ որակը. — Կաթին գալուստը. — Կաթնտու կանանց օրական կեանքը. — Կաթը. — Երախամն կրթել. — Կաթնտու կանայք. — Կաթնտուի ընտրութիւն. — Երախային առումը. — Փոփոխակի մնուցումն. — Ուրիշ ուտելիքներ. — Կաթէն կտրել. — Երախային ակռաներն. — Պատուաս. — Մորթի հիւանդութիւն. — Լուզանք. — Մաքրութիւն. — Պտոյտ եւ բալել. — Ուկորի հիւանդութիւն.

— ❖ Գին 5 ՂԲՆ. ❖ —

Հասոյքն Արեւելեան Որբանոցին կը վերաբերի

5 - 98

2x

999-999

2013

ՀՀ Ազգային գրադարան



NL0071897

ՀՀ Ազգային գրադարան



NL0071896

ՀՀ Ազգային գրադարան



NL0071895

